

四  
印  
齋  
所  
刻  
詞

一、  
二、  
三、  
四、  
五、  
六、

雙

白

洞



四印齋合栞雙白詞序

自羣雅音淪花閒實倚聲之祖大晟論定片玉目協  
律爲工建炎而還作者尤盛竹齋竹屋梅谿梅津公  
謹目漁筵按腔君特目夢牖名集花庵有選蘋雲競  
歌然好爲纖穠者不出乎秦柳力矯靡鼻者自比於  
蘇辛求其並有中原後先特立堯章叔夏實爲正宗  
此仇氏山邨鄭氏所南所由揚彼前旌推爲極軌也  
幼霞同年得光祿之筆乘馬當之風茹書取腴餐秀  
在淶洎來都下跌宕琴尊刻畫宮徵時有新意輒發  
奇弄目吾鄉戈順卿先生詞林正韻分別部居最爲

精審舊刻既燬蒐訪爲難從賡賜乞得抄本付葉嘉惠同志又呂毛氏叢刻暨諸家總集繁簡失均折衷罕當乃取堯章所箸白石道人歌曲叔夏山中白雲詞合刻成書命曰雙白詞屬爲弁首竊謂堯章淮左停驂越中作客其時天水未碧晚霞正紅奏進饒歌發明琴旨從若士而語嶽雲可披載小紅而歸夜雪猶泛雖在逆旅不啻飛仙叔夏則舊日王孫天涯殘客夢斗北去耻逐乎鷺飛水雲南歸淒同乎鶴化雅有袁唐之舊侶苦無張范之可依悴羽易沈么絃多感豈知意內言外惟主清新宣戚導愉必歸深婉彼

呂石帚自號肖其堅潔此呂春水流譽合乎清空正  
不獨疏影暗香紅情綠意屬呂同調遂足方軌譬之  
璧月秋皎而春華例彼幽葩蕙纒而蘭佩而且元珠  
在握古尺自操循是呂求導源之美成分鑣之遠祖  
亦可識矣廣颺一隅自囿四上未諳敢抒荒言謬埶  
餘論亦謂九涂騁軌或多泛交萬錢治庖不如專嗜  
辱承誣諉聊呂此爲墮引云爾吳縣許廣颺





白石道人詞集卷一

雙白詞一

令

宋

番陽

姜夔

堯章

小重山令 賦潭州紅梅

人繞湘臯月墜時斜橫花樹小浸愁漪一春幽事有  
誰知東風冷香遠茜裙歸鷗去昔遊非遙憐花可  
可夢依依九疑雲杳斷魂啼相思血都沁綠筠枝  
江梅引 丙辰之冬予留梁溪將詣淮南不得因夢  
思以述志

人間離別易多時見梅枝忽相思幾度小窗幽夢手  
同攜今夜夢中無覓處漫徘徊寒侵被尙未知溼

白石  
四  
紅恨墨淺封題寶箏空無雁飛俊遊巷陌算空有古  
木斜暉舊約扁舟心事已成非歌罷淮南春草賦又  
萋萋漂零客淚滿衣

驀山溪 題錢氏溪月

與鷗爲客綠野留吟屐兩行柳垂陰是當日仙翁手  
植一亭寂寞烟外帶愁橫荷冉冉展涼雲橫卧虹干  
尺才因老盡秀句君休覓萬緣正迷人更愁入山  
陽夜笛百年心事惟有玉闌知吟未了放船回月下  
空相憶

鶯聲繞紅樓 甲寅春平甫與予自越來吳攜家妓

觀梅于孤山之西村命國工吹笛妓皆以柳黃爲衣

十畝梅花作雪飛冷香下攜手多時兩年不到斷橋西長笛爲予吹人妬垂楊綠春風爲染作仙衣垂楊却又妬腰肢近平聲前舞絲絲

鬲溪梅令仙呂調丙辰冬自無錫歸作此寓意

好花不與殢香人浪粼粼又恐春風歸去綠成陰玉鈿何處尋木蘭雙槳夢中雲小橫陳謾向孤山山下覓盈盈翠禽啼一春

阮郎歸爲張平甫壽是日同宿湖西定香寺

紅雲低壓碧玻璃，惺惚花上啼。靜看樓角拂長枝，朝  
寒吹翠眉。休涉筆，且裁詩。年年風絮時。繡衣夜半  
草符移，月中雙槩歸。

又

旌陽宮殿昔裴徊，一壇雲葉垂。與君閒看壁間題，夜  
涼笙鶴期。茅店酒，壽君時。老楓臨路歧。年年強健  
得追隨，名山遊遍歸。

好事近 賦茉莉

涼夜摘花鈿，苒苒動搖雲綠。金絡一團香露，正紗厨  
人獨。朝來碧縷放長穿，釵頭罨層玉。記得如今時

候正荔枝初熟

點絳脣 丁未冬過吳淞作

燕雁無心太湖西畔隨雲去  
數峯清苦商畧黃昏雨  
第四橋邊擬共天隨住  
今何許  
凭闌懷古殘柳參  
差舞

又

金谷人歸綠楊低掃吹笙道  
數聲啼鳥也學相思調  
月落潮生掇送劉郎老  
淮南好甚時重到陌上生  
春草

虞美人 賦牡丹

西園曾爲梅花醉葉剪春雲細玉笙涼夜隔簾吹臥  
看花梢搖動一枝枝 娉娉嫋嫋教誰惜空壓紗巾  
側沈香亭北又青苔唯有當時蝴蝶自飛來

又

摩挲紫葢峯頭石下瞰蒼厓立玉盤搖動半厓花花  
樹扶疎一半白雲遮 盈盈相望無由摘惆悵歸來  
屐而今仙迹杳難尋那日青樓曾見似花人

憶玉孫 番陽彭氏小樓作

冷紅葉葉下塘秋長與行雲共一舟零落江南不自  
由兩綢繆料得吟鸞夜夜愁

少年遊 戲平甫

雙螺未合雙蛾先歛家在碧雲西別母情懷隨郎滋  
味桃葉渡江時 扁舟載了匆匆歸去今夜泊前溪  
楊柳津頭梨花牆外心事兩人知

鷓鴣天 己酉之秋苕溪記所見

京洛風流絕代人因何風絮落溪津籠鞋淺出鴉頭  
鞵知是凌波縹緲身 紅乍笑綠長頰與誰同度可  
憐春鴛鴦獨宿何曾慣化作西樓一縷雲

又 予與張平甫自南昌同遊西山玉隆宮止宿而  
返蓋乙卯三月十四日也是日卽平甫初度因買

酒茅舍竝坐古楓下古楓旌陽在時物也旌陽嘗  
以草屨懸其上土人以屨爲屨因名曰挂屨楓蒼  
山四圍平野盡綠高澗野花紅白照影可喜使人  
採擷以藤糾纏著楓上少焉月出大於黃金盆逸  
興橫生遂成痛飲午夜乃寢明年平甫初度欲治  
舟往封禺松竹間念此遊之不可再也歌以壽之  
曾共君侯歷聘來去年今日踏莓苔旌陽宅裏疎疎  
磬挂屨楓前草草盃呼煮酒摘青梅今年官事莫  
羨徊移家徑入藍田縣急急船頭打鼓催

又 丁巳元日



柏綠椒紅事事新  
鬲籬燈影賀年人  
三茅鐘動西窗曉  
詩鬢無端又一春  
慵對客緩開門  
梅花閑伴老來身  
嬌兒學作人間字  
鬱壘神荼寫未真

又 正月十一日觀燈

巷陌風光縱賞時  
籠紗未出馬先嘶  
白頭居士無呵殿  
只有乘肩小女隨  
花滿市月侵衣  
少年情事老來悲  
沙河塘上春寒淺  
看了遊人緩緩歸

又 元夕不出

一昨天街預賞時  
柳慳梅小未教知  
而今正是歡遊夕  
却怕春寒自掩扉  
簾寂寂月低低  
舊情惟有絳

都詞芙蓉影暗三更後卧聽鄰娃笑語歸

又 元夕有所夢

肥水東流無盡期當初不合種相思夢中未比丹青  
見暗裏忽驚山鳥啼 春未綠鬢先絲人間別久不  
成悲誰教歲歲紅蓮夜兩處沈吟各自知

又 十六夜出

輦路珠簾兩桁垂千枝銀燭舞僛僛東風歷歷紅樓  
下誰識三生杜牧之 歡正好夜何其明朝春過小  
桃枝鼓聲漸遠遊人散惆悵歸來有月知

夜行船 已酉歲寓吳興同田幾道尋梅北山沈氏

圍載雪而歸

暑約橫溪人不度聽流澌佩環無數屋角垂枝船頭  
生影算唯有春知處 回首江南天欲暮折寒香倩  
誰傳語玉笛無聲詩人有句花休道輕分付

杏花天影 丙午之冬發沔口丁未正月二日道金  
陵北望淮楚風日清淑小舟挂席容與波上

綠絲低拂鴛鴦浦想桃葉當時喚渡又將愁眼與春  
風待去倚蘭橈更少駐 金陵路鶯吟燕舞算潮水  
知人最苦滿汀芳草不成歸日暮更移舟向甚處  
醉吟商小品 石湖老人謂予云琵琶有四曲今不

傳矣曰漢索

一日漢索

梁州轉關綠腰醉吟商胡渭州

歷弦薄媚也予每念之辛亥之夏予謁楊廷秀丈於金陵邸中遇琵琶工解作醉吟商胡渭州因求得品弦法譯成此譜實雙聲耳

又正是春歸細柳暗黃千縷暮鴉啼處夢逐金鞍去一點芳心休訴琵琶解語

玉梅令

高平調

石湖家自製此聲未有語實之命

予作石湖宅南鬲河有圃曰范邨梅開雪落竹院深靜而石湖畏寒不出故戲及之

疎疎雪片散入溪南苑春寒鎖舊家亭館有玉梅幾

樹背立怨東風高花未吐暗香已遠  
公來領客梅花能勸花長好願公更健便採春爲酒剪雪作新詩  
拚一日繞花千轉

踏莎行 自沔東來丁未元日至金陵江上感夢而

作

燕燕輕盈鶯鶯嬌軟分明又向華胥見夜長爭得薄  
情知春初早被相思染別後書辭別時針線離魂  
暗逐郎行遠淮南皓月冷千山冥冥歸去無人管

訴衷情 端午宿合路

石榴一樹浸溪紅零落小橋東五日淒涼心事山雨

打船篷 諳世味楚人弓莫沖沖白頭行客不採蘋  
花孤負薰風

浣溪紗 予女須家河之山陽左白湖右雲夢春水  
方生浸數千里冬寒沙露衰草入雲丙午之秋予  
與安甥或蕩舟採菱或舉火置兔或觀魚簞下山  
行野吟自適其適憑虛悵望因賦此闋

著酒行行滿袂風草枯霜鶻落晴空銷魂都在夕陽  
中 恨入四弦人欲老夢尋千驛意難通當時何似  
莫匆匆

又 已酉歲客吳興收燈夜闔戶無聊俞商卿呼之

共出因記所見

春點疎梅雨後枝  
剪燈心事峭寒時  
市橋攜手步遲  
遲 蜜炬來時人更好  
玉笙吹徹夜何其  
東風落曆不成歸

又 辛亥正月二十四日發合肥

釵燕籠雲晚不忺  
擬將裙帶繫郎船  
別離滋味又今年  
楊柳夜寒猶自舞  
鴛鴦風急不成眠  
些兒閑事莫縈牽

又 人丙辰歲不盡五日吳松作

雁怯重雲不肯啼  
畫船愁過石塘西  
打頭風浪惡禁

白石  
四日  
持春浦漸生迎棹綠小梅應長亞門枝一年燈火  
要人歸

又丙辰臘與俞商卿銛朴翁同寓新安溪莊舍得  
臘花韻甚二首

花裏春風未覺時美人呵蕊綴橫枝鬲簾飛過蜜蜂  
兒書寄嶺頭封不到影浮盃面誤人吹寂寥惟有  
夜寒知

又

剪剪寒花小更垂阿瓊愁裏美妝遲東風燒燭夜深  
歸落蕊半黏釵上燕露黃斜映髻邊犀老夫無味



已多時

八

宋

長抄

工

中

宋

長抄

工

中

...

...

...

...

...

...

...

...

雙白詞

九

四

白石道人詞集卷一

白石道人詞集卷二

雙白詞二

慢

宋 番陽 姜夔 堯章

霓裳中序第一 丙午歲留長沙登祝融因得其祠  
神之曲曰黃帝鹽蘇合香又於樂工故書中得商  
調霓裳曲十八闕皆虛譜無辭按沈氏樂律霓裳  
道調此乃商調樂天詩云散序六闕未知孰是然  
音節閑雅不類今曲子不暇盡作作中序一闕傳  
於世子方羈遊感此古音不自知其辭之怨抑也  
亭臯正望極亂落江蓮歸未得多病却無氣力況紈  
扇漸疎羅衣初索流光過隙歎杏梁雙燕如客人何

在一簾淡月彷彿照顏色 幽寂亂蚤吟壁動庾信  
清愁似織沈思年少浪跡笛裏關山柳下坊陌墜紅  
無信息漫暗水涓涓溜碧漂零久而今何意醉卧酒  
壚側

慶宮春

紹熙辛亥除夕予別石湖歸吳興雪後夜

過垂虹嘗賦詩云笠澤茫茫雁影微玉峯重疊護  
雲衣長橋寂寞春寒夜只有詩人一舸歸後五年  
冬復與俞商卿張平甫銛朴翁自封禺同載詣梁  
溪道經吳淞山寒天迥雪浪四合中夕相呼步垂  
虹星斗下垂錯雜漁火朔吹凜凜卮酒不能支朴

翁以衾自纏猶相與行吟因賦此闕蓋過旬塗藁  
乃定朴翁咎予無益然意所耽不能自已也平甫  
商卿朴翁皆工於詩所出奇詭予亦強追逐之此  
行既歸各得五十餘解

雙槩蕩波一蓑松雨暮愁漸滿空闊呼我盟鷗翩翩  
欲下背人還過木末那回歸去蕩雲雪孤舟夜發傷  
心重見依約眉山黛痕低壓采香徑裏春寒老子  
婆娑自歌誰答垂虹西望飄然引去此興平生難遏  
酒醒波遠政凝想明璫素鞵如今安在唯有闌干伴  
人一霎

齊天樂

黃鍾宮

丙辰歲與張功父會飲張造可之

堂聞屋壁間蟋蟀有聲功父約予同賦以授歌者  
功父先成辭甚美予徘徊茉莉花間仰見秋月頓  
起幽思尋亦得此蟋蟀中都呼爲促織善鬪好事  
者或以二三十萬錢致一枚鏤象齒爲樓觀以貯  
之

庾郎先自吟愁賦淒淒更聞私語露溼銅鋪苔侵石  
井都是曾聽伊處哀音似訴正思婦無眠起尋機杼  
曲曲屏山夜涼獨自甚情緒西窗又吹暗雨爲誰  
頻斷續相和砧杵候館迎秋離宮弔月別有傷心無

數幽詩謾與笑籬落呼燈世間兒女寫入琴絲一聲

聲更苦

宣政間有士大夫製蟋蟀吟

滿江紅

滿江紅舊調用仄韻多不協律如末句云

無心撲三字歌者將心字融入去聲方諧音律予  
欲以平韻爲之久不能成因泛巢湖聞遠岸簫鼓  
聲問之舟師云居人爲此湖神姥壽也予因祝曰  
得一席風徑至居巢當以平韻滿江紅爲迎送神  
曲言訖風與筆俱駛頃刻而成末句云聞珮環則  
協律矣書以綠箋沈于白浪辛亥正月晦也是歲  
六月復過祠下因刻之柱間有客來自居巢云土

人祠姥輒能歌此詞按曹操至濡須口孫權遺操書曰春水方生公宜速去操曰孫權不欺孤乃徹軍還濡須口與東關相近江湖水之所出入予意春水方生必有司之者故歸其功於姥云

仙姥來時正一望千頃翠瀾旌旗共亂雲俱下依約

前山命駕羣龍金作輓相從諸娣玉爲冠廟中列坐如夫人者

十三人向夜深風定悄無人聞珮環 神奇處君試看

莫淮右阻江南遣六丁雷電別守東關却笑英雄無好手一篙春水走曹瞞又怎知人在小紅樓簾影間一萼紅 丙午人日子客長沙別駕之觀政堂堂下



曲沼沼西負古垣有虛橋幽篁一逕深曲穿逕而  
南官梅數十株如椒如菽或紅破白露枝影扶疎  
著屐蒼苔細石間埜興橫生亟命駕登定王臺亂  
湘流入麓山湘雲低昂湘波容與興盡悲來醉吟  
成調

古城陰有官梅幾許紅萼未宜簪池面冰膠牆腰雪  
老雲意還又沈沈翠藤共閒穿徑竹漸笑語驚起卧  
沙禽野老林泉故王臺榭呼喚登臨南去北來何  
事蕩湘雲楚水目極傷心朱戶黏雞金盤簇燕空歎  
時序侵尋記曾共西樓雅集想垂柳還裊萬絲金待

白石  
得歸鞍到時只怕春深

念奴嬌 子客武陵湖北憲治在焉古城野水喬木  
參天子與二三友日蕩舟其間薄荷花而飲意象  
幽閒不類人境秋水且涸荷葉出地尋丈因列坐  
其下上不見日清風徐來綠雲自動間于疏處窺  
見遊人畫船亦一樂也謁來吳興數得相羊荷花  
中又夜泛西湖光景奇絕故以此句寫之

鬪紅一舸記來時嘗與鴛鴦爲侶三十六陂人未到  
水佩風裳無數翠葉招涼玉容銷酒更灑菰蒲雨嬌  
然搖動冷香飛上詩句 日暮青蓋亭亭情人不見

爭忍凌波去只恐舞衣寒易落愁入西風南浦高柳  
垂陰老魚吹浪留我花間住田田多少幾回沙際歸  
路

又 謝人惠竹榻

楚山修竹自娟娟不受人間袪暑我醉欲眠伊伴我  
一枕涼生如許象齒爲材花藤作面終是無真趣梅  
風吹溽此君直恁清苦 須信下榻殷勤儻然成夢  
夢與秋相遇翠袖佳人來共看漠漠風烟千畝蕉葉  
窗紗荷花池館別有留人處此時歸去爲君聽盡秋  
雨

眉嫵

一名百宜嬌

戲仲遠

看垂楊連苑杜若侵沙愁損未歸眼信馬青樓去重  
簾下娉婷人妙飛燕翠樽共欵聽艷歌郎意先感便  
攜手月地雲階裏愛良夜微暖無限風流疎散有  
暗藏弓履偷寄香翰明日聞津鼓湘江上催人還解  
春纜亂紅萬點悵斷魂烟水遙遠又爭似相攜乘一  
舸鎮長見

月下笛

與客攜壺梅花過了夜來風雨幽禽自語啄香心度  
牆去春衣都是柔荑翦尚沾惹殘茸半縷悵玉鈿似

掃朱門深閉再見無路  
凝於曾遊處但繫馬垂楊  
認郎鸚鵡揚州夢覺彩雲飛過何許多情須倩梁間  
燕問吟袖弓腰在否怎知道悞了人年少自恁虛度  
清波引 予久客古沔滄浪之烟雨鸚鵡之草樹頭  
陀黃鶴之偉觀郎官大別之幽處無一日不在心  
日間勝友二三極意吟賞竭來湘浦歲晚凄然步  
繞園梅搗筆以賦

冷雲迷浦倩誰喚玉妃起舞歲華如許野梅弄眉嫵  
展齒印蒼蘚漸爲尋花來去自隨秋雁南來望江國  
渺何處 新詩漫與好風景長是暗度故人知否抱

幽恨難語何時共漁艇莫負滄浪烟雨況有清夜啼  
猿怨人良苦

法曲獻仙音

俗名大石 黃鍾商

張彥功官舍在

鐵冶嶺上卽昔之教坊使宅高齋下瞰湖山光景  
奇絕子數過之爲賦此

虛閣籠寒小簾通月暮色偏憐高處樹隔離宮水平  
馳道湖山盡入尊俎柰楚客淹留久砧聲帶愁去  
屢回顧過秋風未成歸計誰念我重見冷楓紅舞喚  
起淡粧人問逋仙今在何許象筆鸞牋甚而今不道  
秀句怕平生幽恨化作沙邊烟雨

琵琶仙

黃鍾商

吳都賦云戶藏烟浦家具畫船唯

吳興爲然春遊之盛西湖未能過也已酉歲予與  
蕭時父載酒南郭感遇成歌

雙槳來時有人似舊曲桃根桃葉歌扇輕約飛花蛾  
眉正奇絕春漸遠汀洲自綠更添了幾聲啼鴉十里  
揚州三生杜牧前事休說 又還是官燭分烟奈愁  
裏匆匆換時節都把一襟芳思與空階榆莢千萬縷  
藏鴉細柳爲玉樽起舞回雪想見西出陽關故人初

別

玲瓏四犯

此曲雙調世別有大石調一曲

越中歲

暮聞簫鼓感懷

疊鼓夜寒垂燈春淺匆匆時事如許倦遊歡意少俛  
仰悲今古江淹又吟恨賦記當時送君南浦萬里乾  
坤百年身世唯有此情苦揚州柳垂官路有輕盈  
換馬端正窺戶酒醒明月下夢逐潮聲去文章信美  
知何用謾贏得天涯羈旅教說與春來要尋花伴侶  
側犯 詠芍藥

恨春易去甚春却向揚州住微雨正繭栗梢頭美詩  
句紅橋二十四總是行雲處無語漸半脫宮衣笑相  
顧金壺細葉千朶圍歌舞誰念我髻成絲來此共



尊俎後日西園綠陰無數寂寞劉郎自修花譜

水龍吟

黃慶長夜泛鑑湖有懷歸之曲課予和之

夜深客子移舟處兩兩沙禽驚起紅衣入漿青燈搖  
浪微涼意思把酒臨風不思歸去有如此水况茂陵  
遊倦長干望久芳心事簫聲裏 屈指歸期尙未鵲  
南飛有人應喜畫闌桂子留香小待提攜影底我已  
情多十年幽夢畧曾如此甚謝郎也恨飄零解道月  
明千里

探春慢

予自孩幼從先人宦于古沔女須因嫁焉

中去復來幾二十年豈惟姊弟之愛沔之父老兒

白石  
四日  
女子亦莫不予愛也丙午冬千巖老人約予過茗  
雪歲晚乘濤載雪而下顧念依依殆不能去作此  
曲別鄭次臯辛克清姚剛中諸君

衰草愁烟亂鴉送日風沙回旋平野拂雪金鞭欺寒  
茸帽還記章臺走馬誰念漂零久謾贏得幽懷難寫  
故人清河相逢小窗閑共情話長恨離多會少重  
訪問竹西珠淚盈把雁磧波平漁汀人散老去不堪  
遊冶無奈茗溪月又照我扁舟東下甚日歸來梅花  
零亂春夜

八歸 湘中送胡德華

芳蓮墜粉疎桐吹綠庭院暗雨乍歇無端抱影銷魂  
處還見篠牆螢暗蘚階蛩切送客重尋西去路問水  
面琵琶誰撥最可惜一片江山總付與啼鴉長恨  
相從未欸而今何事又對西風離別渚寒烟淡棹移  
人遠縹緲行舟如葉想文君望久倚竹愁生步羅襪  
歸來後翠尊雙飲下了珠簾玲瓏閒看月

解連環

玉鞭重倚却沈吟未上又縈離思爲大喬能撥春風  
小喬妙移箏雁啼秋水柳怯雲鬆更何必十分梳洗  
道郎攜羽扇那日隔簾半面曾記西窗夜涼雨霽

白石  
四日  
歎幽歡未足何事輕棄問後約空指薔薇算如此溪  
山甚時重至水驛燈昏又見在曲屏近底念唯有夜  
來皓月照伊自睡

喜遷鶯慢 功父新第落成

玉珂朱組又占了道人林下真趣窗戶新成青紅猶  
潤雙燕爲君胥宇秦淮貴人宅第問誰記六朝歌舞  
總付與在柳橋花館玲瓏深處 居士閒記取高卧  
未成且種松千樹覓句堂深寫經窗靜他日任聽風  
雨列仙更教誰做一院雙成儔侶世間住且休將雞  
犬雲中飛去

摸魚兒

辛亥秋期予寓合肥小雨初霽偃卧窗下

心事悠然起與趙君猷露坐月飲戲吟此曲蓋欲  
一洗錮合金釵之塵他日野處見之甚爲予擊節  
也

向秋來漸疎班扇雨聲時過金井堂虛已放新涼入  
湘竹最宜欹枕閒記省又還是斜河舊約今再整天  
風夜冷自織錦人歸乘槎客去此意有誰領 空羸  
得今古三星炯炯銀波相望千頃柳州老矣猶兒戲  
瓜果爲伊三請雲路迥謾說道年年野鵲曾並影無  
人與問但濁酒相呼疎簾自捲微月照清飲

白石道人詞集卷二

白石道人詞集卷三

雙白詞三

自製曲

宋 番陽 姜夔 堯章

揚州慢

中呂宮

淳熙丙申至日余過維揚夜雪初  
霽薺麥彌望入其城則四顧蕭條寒水自碧暮色  
漸起戍角悲吟予懷愴然感慨今昔因自度此曲  
千巖老人以爲有黍離之悲也

淮左名都竹西佳處解鞍少駐初程過春風十里盡  
薺麥青青白胡馬窺江去後廢池喬木猶厭言兵漸  
黃昏清角吹寒都在空城 杜郎俊賞篔簹而今重到  
須驚縱豈蕙詞工青樓夢好難賦深情二十四橋仍

在波心蕩冷月無聲念橋邊紅藥年年知爲誰生

長亭怨慢

中呂宮

予頗喜自製曲初率意爲長短

句然後協以律故前後闕多不同桓大司馬云昔  
年種柳依依漢南今看搖落悽愴江潭樹猶如此  
人何以堪此語予深愛之

漸吹盡枝頭香絮是處人家綠深門戶遠浦縈回暮  
帆零亂向何許閱人多矣誰得似長亭樹樹若有情  
時不會得青青如此日暮望高城不見只見亂山  
無數韋郎去也怎忘得玉環分付第一是早早歸來  
怕紅萼無人爲主篋只有并刀難翦離愁千縷



淡黃柳

正平調近

客居合肥南城赤闌橋之西巷

陌淒涼與江左異唯柳色夾道依依可憐因度此  
闕以紓客懷

空城曉角吹入垂楊陌馬上單衣寒惻惻看盡鶯黃  
嫩綠都是江南舊相識 正岑寂明朝又寒食強攜  
酒小喬宅怕梨花落盡成秋色燕燕飛來問春何在  
唯有池塘自碧

石湖仙

越調

壽石湖居士

松江烟浦是千古三高遊行佳處須信石湖仙似鷗  
夷翩然引去浮雲安在我自愛綠香紅舞容與看世

間幾度今古 盧溝舊曾駐馬爲黃花閑吟秀句見  
說胡兒也學綸巾歆雨玉友金蕉玉人金縷緩移箏  
柱聞好語明年定在槐府

暗香

仙呂宮

辛亥之冬予載雪詣石湖止旣月授  
簡索句且徵新聲作此兩曲石湖把玩不已使工  
妓隸習之音節諧婉乃名之曰暗香疎影

舊時月色算幾番照我梅邊吹笛喚起玉人不管清  
寒與攀摘何遜而今漸老都忘却春風詞筆但怪得  
竹外疎花香冷人瑤席 江國正寂寂歎寄與路遙  
夜雪初積翠樽易泣紅萼無言耿相憶長記曾攜手

處千樹壓西湖寒碧又片片吹盡也幾時見得

疎影

苔枝綴玉有翠禽小小枝上同宿客裏相逢離角黃  
昏無言自倚修竹昭君不慣胡沙遠但暗憶江南江  
北想佩環月夜歸來化作此花幽獨 猶記深宮舊  
事那人正睡裏飛近蛾綠莫似春風不管盈盈早與  
安排金屋還教一片隨波去又却怨玉龍哀曲等恁  
時再覓幽香已入小窗橫幅

惜紅衣

無射宮

吳興號水晶宮荷華盛麗陳簡齋

云今年何以報君恩一路荷華相送到青墩亦可

白石  
見矣丁未之夏予遊千巖數往來紅香中自度此  
曲以無射宮歌之

簟枕邀涼琴書換日睡餘無力細灑冰泉并刀破甘  
碧牆頭喚酒誰問訊城南詩客岑寂高樹晚蟬說西  
風消息 虹梁水陌魚浪吹香紅衣半狼籍維舟試  
望故國渺天北可惜柳邊沙外不共美人遊歷問甚  
時同賦三十六陂秋色

角招

黃鍾角

甲寅春予與俞商卿燕遊西湖觀梅

於孤山之西邨玉雪照映吹香薄人已而商卿歸  
吳興予獨來則山橫春烟新柳被水遊人容與飛

花中悵然有懷作此寄之商卿善歌聲稍以儒雅  
緣飾予每自度曲吟洞簫商卿輒歌而和之極有  
山林縹緲之思今予離憂商卿一行作吏殆無復  
此樂矣

爲春瘦何堪更繞西湖盡是垂柳自看烟外岫記得  
與君湖上攜手君歸未久早亂落香紅千畝一葉淩  
波縹緲過三十六離宮遣遊人回首 猶有畫船障  
袖青樓倚扇相映人爭秀翠翹光欲溜愛著宮黃而  
今時候傷春似舊蕩一點春心如酒寫入吳絲自奏  
問誰識曲中心花前後

徵招 越中山水幽遠予數上下西興錢清間襟抱  
清曠越人善爲舟卷篷方底舟師行歌徐徐曳之  
如偃卧榻上無動搖突兀勢以故得盡情騁望予  
欲家焉而未得作徵招以寄興徵招角招者政和  
間大晟府嘗製數十曲音節駁矣予嘗攷唐田畸  
聲律要訣云徵與二變之調咸非流美故自古少  
徵調曲也徵爲去母調如黃鍾之徵以黃鍾爲母  
不用黃鍾乃諧故隋唐舊譜不用母聲琴家無媒  
調商調之類皆徵也亦皆具母弦而不用其說詳  
於予所作琴書然黃鍾以林鍾爲徵住聲於林鍾

若不用黃鍾聲便自成林鍾宮矣故大晟府徵調兼母聲一句似黃鍾均一句似林鍾均所以當時有落韻之語予嘗使人吹而聽之寄君聲於臣民事物之中清者高而亢濁者下而遺萬寶常所謂宮離而不附者是已因再三推尋唐譜并琴弦法而得其意黃鍾徵雖不用母聲亦不可多用變徵蕤賓變宮應鍾聲若不用黃鍾而用蕤賓應鍾卽是林鍾宮矣餘十一均徵調倣此其法可謂善矣然無清聲只可施之琴瑟難入燕樂故燕樂闕徵調不必補可也此一曲乃予昔所製因舊曲正宮

白石  
齊天樂慢前兩拍是徵調故足成之雖兼用母聲  
較大晟曲爲無病矣此曲依晉史名曰黃鍾下徵  
調角招曰黃鍾清角調

潮回却過西陵浦扁舟僅容居士去得幾何時黍離  
離如此客途今倦矣漫贏得一襟詩思記憶江南落  
帆沙際此行還是迤邐剡中山重相見依依故人  
情味似怨不來遊擁愁鬟十二一邱聊復爾也孤負  
幼輿高致水蒨晚漠漠搖烟奈未成歸計

秋宵吟

越調

古簾空墜月皎坐久西窗人悄  
蛩吟苦漸漏水丁丁



箭壺催曉引涼颺動翠葆露脚斜飛雲表因嗟念似  
去國情懷暮帆烟草帶眼銷磨爲近日愁多頓老  
衛娘何在宋玉歸來兩地暗縈繞搖落江楓早嫩約  
無憑幽夢又杳但盈盈淚灑單衣今夕何夕恨未了

淒涼犯

仙呂調犯商調

合肥巷陌皆種柳秋風夕

起騷騷然予客居闔戶時聞馬嘶出城四顧則荒  
烟野草不勝淒黯乃著此解琴有淒涼調假以爲  
名凡曲言犯者謂以宮犯商商犯宮之類如道調  
宮上字住雙調亦上字住所住字同故道調曲中  
犯雙調或於雙調曲中犯道調其他準此唐人樂

書云犯有正旁偏側宮犯宮爲正宮犯商爲旁宮  
犯角爲偏宮犯羽爲側宮此說非也十二宮所住  
字各不同不容相犯十二宮特可犯商角羽耳予  
歸行都以此曲示國工田正德使以啞聲粟吹之  
其韻極美亦曰瑞鶴仙影

綠楊巷陌秋風起邊城一片離索馬嘶漸遠人歸甚  
處戍樓吹角情懷正惡更衰草寒烟淡薄似當時將  
軍部曲迤邐度沙漠 追念西湖上小舫攜歌晚花  
行樂舊遊在否想如今翠凋紅落漫寫羊裙等新鴈  
來時繫著怕匆匆不肯寄與誤後約

翠樓吟

雙調

淳熙丙午冬武昌安遠樓成與劉去  
非諸友落之度曲見志予去武昌十年故人有泊  
舟鸚鵡洲者聞小姬歌此詞問之頗能道其事還  
吳爲予言之興懷昔遊且傷今之離索也

月冷龍沙塵清虎落今年漢酺初賜新翻胡部曲聽  
瓊幕元戎歌吹層樓高峙看檻曲縈紅簷牙飛翠人  
姝麗粉香吹下夜寒風細 此地宜有詞仙擁素雲  
黃鶴與君遊戲玉梯凝望久歎芳草萋萋千里天涯  
情味仗酒被清愁花消英氣西山外晚來還捲一簾  
秋霽

湘月 長溪楊聲伯典長沙檝權居瀕湘江窗間所  
見如燕公郭熙畫圖卧起幽適丙午七月既望聲  
伯約子與趙景魯景望蕭和父裕父時父恭父大  
舟浮湘放乎中流山水空寒烟月交映凄然其爲  
秋也坐客皆小冠練服或彈琴或浩歌或自酌或  
援筆搜句子度此曲卽念奴嬌鬲指聲也於雙調  
中吹之鬲指亦謂之過腔見晁無咎集凡能吹竹  
者便能過腔也

五湖舊約問經年底事長負清景暝入西山漸喚我  
一葉夷猶乘興倦網都收歸禽時度月上汀洲冷中

梳容與畫燒不點清鏡  
誰解喚起湘靈烟鬟霧鬢  
理哀弦鴻陣玉塵談玄歎坐客多少風流名勝暗柳  
蕭蕭飛星冉冉夜久知秋信鱸魚應好舊家樂事誰  
省

白石道人詞集卷三

白石道人詞別集

雙白詞四

宋 番陽 姜夔 堯章

小重山令 趙郎中謁告迎侍太夫人將來都下予  
喜爲作此曲

寒食飛紅滿帝城  
慈烏相對立柳青青  
玉階端笏細  
陳情天恩許春盡可還京  
鵲報倚門人安輿扶上  
了更親擎看花攜樂緩行程  
爭迎處堂下拜公卿  
念奴嬌 毀舍後作

昔遊未遠記湘臯  
聞瑟澧浦捐璫  
因覓孤山林處士  
來踏梅根殘雪  
獠女供花  
愴兒行酒  
卧看青門轍一

邱吾老可憐情事空切 曾見海作桑田仙人雲表  
笑汝眞癡絕說與依依王謝燕應有涼風時節越只  
青山吳惟芳草萬古皆沈滅繞枝三匝白頭歌盡明  
月

卜算子 吏部梅花八詠夔次韻

江左詠梅人夢繞青青路因向凌風臺下看心事還  
將與 憶別庾郎時又過林逋處萬古西湖寂寞春  
惆悵誰能賦

又

月上海雲沈鷗去吳波迴行過西泠有一枝竹暗人



家靜 又見水沈亭舉目悲風景花下鋪瓊把一盃

緩飲春風影

西泠橋在孤山之西水沈亭在孤山之北亭廢

又

蘚榦石斜妨玉蕊松低覆日暮冥冥一見來略比年

時瘦 涼觀酒初醒竹閣吟纔就猶恨幽香作許慳

小遲春心透

涼觀在孤山之麓南北梅最奇竹閣在涼觀西今廢

又

家在馬城西曾賦梅屏雪梅雪相兼不見花月影玲

瓏徹 前度帶愁看一晌和愁折若使逋仙及見之

定自成愁絕

馬城在都城西北梅屏甚見珍愛

又

摘葢暝禽飛倚樹懸冰落下竺橋邊淺立時香已漂  
流却空逕晚烟平古寺春寒惡老子尋花第一番  
常恐吳兒覺

下竺寺前礪石  
上風景甚妙

又

綠萼更橫枝多少梅花樣惆悵西村一塢春開過無  
人賞細草藉金輿歲歲長吟想枝上么禽一兩聲  
猶似宮娥唱

綠萼橫枝皆梅別種凡二十許名  
西村在孤山後梅皆阜陵時所種

又

象筆帶香題龍笛吟春咽楊柳嬌癡未覺愁花管人

離別 路出古昌源石瘦冰霜潔折得青鬚碧蘚花

持向人間說

越之昌源古梅妙天下

又

御苑接湖波松下春風細雲綠我我玉萬枝別有仙風味  
長信昨來看憶共東皇醉此樹婆娑一惘然

苔蘚生春意

聚景宮梅皆植之高松之下此蔭歲久萼盡綠夔舊歲觀梅於彼所聞於園官

者如此末章及之

洞仙歌 黃木香贈辛稼軒

花中慣識壓架玲瓏雪乍見緜蕤間琅葉恨春風將  
了染額人歸留得箇裊裊垂香帶月 鷺兒真似酒

我愛幽芳還比酴醿又嬌絕自種古松根待看黃龍  
乳飛上蒼髯五鬣更老仙添與筆端春敢喚起桃花  
問誰優劣

驀山溪

詠柳

青青官柳飛過雙雙燕樓上對春寒捲珠簾瞥然一  
見如今春去香絮亂因風霑徑草惹牆花一一教誰  
管陽關去也方表人腸斷幾度拂行軒念衣冠尊  
前易散翠眉織錦紅葉浪題詩烟渡口水亭邊長是  
心先亂

永遇樂

次韻辛克清先生

我與先生夙期已久人間無此不學楊郎南山種豆  
十一徵微利雲霄直上諸公袞袞乃作道邊苦李五  
千言老來受用肯教造物兒戲東岡記得同來胥  
宇歲月幾何難計柳老悲桓松高對阮未辦爲鄰地  
長干白下青樓朱閣往往夢中槐蟻却不如窪尊放  
滿老夫未醉

虞美人 括蒼烟雨樓石湖居士所造也風景似越  
之蓬萊閣而山勢環繞峯嶺高秀過之觀居士題  
顏且歌其所作虞美人夔亦作一解

闌干表立蒼龍背三面攬天翠東遊纔上小蓬萊不

見此樓烟雨未應回  
而今指點來時路却是冥濛  
處老仙鶴馭幾時歸未必山川城郭是耶非

永遇樂 北固樓次稼軒韻

雲隔迷樓苔封很石人向何處數騎秋烟一篙寒沙  
千古空來去使君心在蒼厓綠嶂苦被北門留住有  
尊中酒差可飲大旗盡繡熊虎 前身諸葛來遊此  
地數語便酬三顧樓外冥冥江臯隱隱認得征西路  
中原生聚神京耆老南望長淮金鼓問當時依依種  
柳至今在否

水調歌頭 富覽亭永嘉作

日落愛山紫沙漲省潮回平生夢猶不到一葉眇西  
來欲訊桑田成海人世了無知者魚鳥兩相猜天外  
玉笙杳子晉只空臺倚闌干二三子總仙才爾歌  
遠遊章句雲氣入吾杯不問王郎五馬頗憶謝生雙  
屐處處長青苔東望赤城近吾興亦悠哉

漢宮春 次韻稼軒

雲曰歸歟縱垂天曳曳終反衡廬揚州十年一夢俛  
仰差殊秦碑越殿悔舊遊作計全疎分付與高懷老  
尹管弦絲竹甯無知公愛山入剡若南尋李白問  
訊何如年年雁飛波上愁亦關予臨臯領客向月邊

白石  
攜酒攜鱸今但借秋風一榻公歌我亦能書

又 次韻稼軒蓬萊閣

一顧傾吳苾蘿人不見烟杳重湖當時事如對奕此  
亦天乎大夫仙去笑人間千古須臾有倦客扁舟夜  
泛猶疑水鳥相呼 秦山對樓自緣怕越王故壘時  
下樵蘇只今倚闌一笑然則非與小叢解唱倩松風  
爲我吹竽更坐待千巖月落城頭渺渺啼鳥

白石道人詞別集



山中白雲詞卷上

雙白詞五

宋 西秦 張炎 叔夏

南浦 春水

波暝綠粼粼燕飛來卻是蘇隄才曉魚沒浪痕圓流  
紅去翻咲東風難埽荒橋斷浦柳陰攪出扁舟小回  
首池塘青欲遍絕似寢中芳草 和雲流出空山甚  
年年淨洗花香不了新綠乍生時孤邨路猶憶那回  
曾到餘情渺渺茂林觴咏如今悄前度劉郎從去後  
溪上碧桃多少

水龍吟 白蓮

仙人掌上芙蓉涓涓猶滴金盤露輕裝照水織裳玉  
立飄飄似舞幾度銷凝滿湖烟月一汀鷗鷺記小舟  
夜悄波明香遠渾不見花開處應是浣紗人如褪  
紅衣被誰輕誤閑情雅淡冶姿清潤憑嬌待語隔浦  
相逢偶然傾盞似傳心素怕湘皋珮解綠雲十里卷  
西風去

解連環 孤雁

楚江空晚悵離羣萬里恍然驚散自顧影欲下寒塘  
正沙岸一作淨草枯水平天遠寫不成書只寄得相思  
一點歎因循誤了殘妝擁雪故人心眼誰憐旅愁

荏苒謾長風夜悄錦箏彈怨想伴侶猶宿蘆花也曾  
念春前去程應轉暮雨相呼怕驀地玉關重見未羞  
它雙燕歸來畫簾半掩

一作捲

探春 雪霽

銀浦流雲綠房迎曉一抹厖霽月淡暝玉生香懸冰  
解凍碎滴瑤堦如霰早

一作才

放些晴意又

一作早

瘦了

梅花一半也知不作花香東風何事吹散 搖落似  
成秋苑甚釀得春來怕教春見野渡舟迴前邨門掩  
應是不勝清怨次第尋芳去灞橋外蕙香波暝猶聽  
簷聲看燈人在深院

高陽臺 西湖春感

接葉巢鶯平波卷絮斷橋斜日歸船能幾番游看花  
又是明年東風且伴薔薇住到薔薇春已堪憐更淒  
然萬綠西冷一抹寒烟 當年燕子知何處但苔深  
韋曲草暗斜川見說新愁如今也到鷗邊無心再續  
笙歌寢掩重門淺醉閑眠莫開簾怕見飛花怕聽嘯  
鵑

又 慶承園卽韓平原南園戊辰歲過之有碑石在  
荆棘中惟存古桂百餘株故末句有亦猶今之視  
昔之感

古木迷雅虛堂起燕歡游轉眼驚心南浦一作東牖

酸風掃盡芳塵髯貂飛入平原草最可憐渾是秋陰

夜沈沈不信歸魂不到花深吹簫踏葉尋幽去任

船依斷石袖裏寒雲老桂懸香珊瑚擊碎一作碎擊無聲

故園已是愁如許撫殘碑卻又傷今更關情秋水人

家斜照西林一作冷

掃花游 春飲殊鄉醉餘偶賦

嫩寒禁暝正草色侵衣野光如洗去城數里繞長隄

是柳釣船初艤小立斜陽試數花風第幾問春意待

留取斷紅心事難寄芳信成撚指甚遠客它鄉老

裏如此醉餘寢裏尙分明認得舊時羅綺可惜空簾  
誤卻歸來燕子勝游地想依然斷橋流水

又 高疎寮東野園

烟霞萬壑記曲徑尋幽霽痕初曉綠牖窈窕看垂一作

隨花愁石就泉通沼幾日不來一片蒼雲未掃自長

嘯恨喬木蒼涼都是殘照 碧天秋浩渺聽虛籟冷

冷飛下孤峭山空翠老步仙風怕有采芝人到野色

閑門芳草不除更好境深悄比斜川又清多少

渡江雲 久客山陰王菊存問予近作書以寄之

山空天入海倚樓望極風急暮潮初一簾鳩外雨幾

處閑田隔水動春鋤新烟禁柳想如今綠到西湖猶  
記得當年深隱門掩兩三株 愁予荒洲古渚斷梗  
疎萍更飄流何處空自覺圍羞帶減影怯燈孤長疑  
卽見桃花面甚近來翻咲無書書縱遠如何寢也都  
無

又一次趙元甫韵

錦香繚繞地涼燈掛壁簾影浪花斜酒船歸去後轉  
首河橋那處認紋紗重盟鏡約還記得前度秦嘉惟  
只有葉題堪寄一作緘付流不到天涯 驚嗟十年心事  
幾曲闌干想蕭娘聲價閑過了黃昏時候疎柳嗁雅

浦潮夜湧平沙白

一作

斷鴻知落誰家書又遠空

江片月蘆花

聲聲慢

余與王碧山泛舟銓田王叢隱吹簫余倚

歌而和天濶秋高光景奇絕與姜白石垂虹夜游

同一清致也

晴光轉樹曉氣分嵐何人野渡橫舟斷柳枯蟬

一作蟾

涼意正滿西州忿忿載花載酒傻無情也自風流芳

晝短柰不堪深

一作秋

夜秉燭來游

誰識山中朝暮

向白雲一咲今古無愁散髮吟商此興萬里悠悠清

狂未應似我倚南牖隔水呼鷗須待月許多清都付



與秋

又 爲高菊礪賦

寒花清事老圃閑人相看秋色霏霏帶葉分根空翠  
半溼荷衣沅湘舊愁未減有黃金難鑄相思但醉裏  
把苔箋重譜不許春知 聊慰幽裊古意且頻簪短  
帽休怨斜暉采摘無多一咲竟日忘歸從教護香徑  
小似東山還似東籬待去隱怕如今不似晉時

又 北游答曾心傳惠詩

平沙催曉野水驚寒遙岑寸碧烟空萬里冰霜一夜  
換卻西風晴梢漸無墮葉撼秋聲都一作是梧桐情

正遠咲吟湘賦楚近日偏慵  
客裏依然清事愛胸  
深帳暝戲揀香筒片雲歸程無奈寢與心同空教故  
林怨鶴掩閑門明月山中春又小甚梅花猶自未逢  
又 題寢胸自度曲霜華腴卷後

烟隄小舫雨屋深燈春衫慣染京塵舞竹歌桃心事  
暗惱東鄰渾疑夜胸寢蝶到如今猶宿花陰待喚起  
甚江蘼搖落化作秋聲 回首曲終人去黯消魂忍  
看朶朶芳雲潤墨空題惆悵醉魄難醒獨憐水樓賦  
筆有斜陽還怕登臨愁未了聽殘鶯嘯過柳陰

又 別四明諸友歸杭州

山風古道海國輕裾相逢只在東瀛淡泊秋光怕似  
此日游情休嗟髯梳斷雪喜閑身重渡西泠又遡遠  
趁回潮拍岸西浦揚舫莫向長亭折柳正紛紛落  
葉同是飄零舊隱新招知住第幾層雲疎籬尙存晉  
菊想依然認得淵明待去也最愁人猶念故人

綺羅香

紅葉

萬里飛霜千山落木寒艷不招春妒楓冷吳江獨客  
又吟愁句正船艤流水孤邨似花繞斜陽芳樹甚荒  
溝一片淒涼載情不去載愁去長安誰問倦旅羞  
見衰顏醉酒飄零如許謾倚新妝不入洛陽花譜爲

回風起舞樽前盡化作斷霞千縷記陰陰綠遍江南  
夜窗聽暗雨

又

候館燈深遼天斷雨近日音書疑絕轉眼傷心慵看  
賸歌殘闋纔忘了還卻思量待去也怎禁離別恨只  
恨桃葉空江殷勤不似謝紅葉良宵誰見哽咽對  
薰鑪象尺閑伴淒切獨立西風猶憶舊家時節隨欸  
步花密藏春聽私怯一作語柳疎嫌月今休問燕約鶯  
期寢游空趁蝶

壺中天 養拙園夜飲

瘦筇訪隱正繁陰閑鎖一壺幽綠喬木蒼寒圖畫古  
窈窕人行韋曲鶴響天高水流花淨咲語通華屋虛  
堂松外夜深涼氣吹燭樂事楊柳樓心瑤臺月下  
有生香堪掬誰理商聲簾外悄蕭瑟懸璫鳴玉一咲  
難逢四愁休賦任我雲邊宿倚闌歌罷露蟲飛下一作  
上秋竹

又夜泛黃河

揚舲

舲一作舫

萬里咲當年底事中分南北須信平生無

寢到卻向而今游歷老柳關河斜陽古道風定波聲  
息野人驚問泛槎何處仙客迎面落葉瀟瀟水流

沙共遠都無行跡衰草淒迷秋更綠惟有閑鷗獨立  
浪挾天浮山邀雲去銀浦橫空碧扣舷歌斷海蟾飛  
上孤白

齊天樂 杭友抵越過鑑湖漁舍會飲

春風不暝垂楊柳吹卻絮雲多少燕子人家夕陽巷  
陌行人野崖一作畦深杳籌花門草記小舫尋芳斷橋

初曉那日心情幾人同向近來老 消憂何處最好

夜游頻秉燭猶是遲了南浦歌闌東林社冷贏得如  
今裏抱吟悰暗惱待醉也慵聽勸歸嘯鳥怕擾離愁  
亂紅休去埽

八聲甘州 坐客索賦歌妓桂卿

隔花窺半面帶天香吹動一身秋歎行雲流水寒枝  
夜鵲楊柳灣頭浪打石城風急難繫莫愁舟未了笙  
歌寢倚棹西州 重省尋春樂事奈如今老去鬢改  
花羞指斜陽巷陌都是舊曾游憑寄語采芳儔侶且  
不須容易說風流爭似得桃根桃葉明月妝樓

又 辛卯歲沈秋江同余北歸秋江處杭余處越越  
歲秋江來訪寂寞晤語數日又復別去賦此餞行  
並寄曾心傳秋江名堯道

記玉關踏雪事清游寒氣脆貂裘遍枯林古道長河

飲馬此意悠悠短寢依然江表老淚灑西州一字無  
題處落葉都愁 載取白雲歸去問誰留楚珮弄影  
中洲折蘆花贈遠零落一身秋向尋常野橋流水待  
招來不是舊沙鷗空裏感有斜陽處卻怕登樓

又 次韵李筠房

望娟娟一水隱芙蓉幾被暮雲遮正憑高送目西風  
斷雁殘月平沙未覺丹楓盡老搖落已堪嗟無避秋  
聲處愁滿天涯 一自鷗盟歸一作別後甚酒瓢詩錦

輕悞年華料荷衣初暝不忍負烟霞記前度剪燈一  
咲再相逢知在那人家空山遠白雲休贈只贈梅花



眞珠簾 近雅軒卽事

雲深別有深庭宇，小簾攏占取芳菲多處。花暗水房，春潤幾番疎雨。見說蘇隄晴未穩，便嬾趁踏青人去。休去且料理琴書，夷猶今古。誰見靜裏閑心，縱荷

衣未葺鵲

一作雪

巢堪賦醒醉一乾坤，任此情如許茂

樹石床同坐久，又卻被清風留住。欲住奈簾影收樓翦，燈人語。

又 梨花

綠房幾度

一作夜

迎清曉，光搖動素月娟娟。

一作落落

如水

惆悵一株寒，記東闌閑倚近日花邊。無舊雨，便寂寞

何曾吹淚燭外謾羞得紅粧而今猶睡 琪樹皎立

風前萬塵空獨抱

一作挹

飄然清氣雅淡不成嬌擁玲

瓏春意落寞雲深詩寢淺但一似唐昌宮裏元是是  
分明錯認當時玉蕊

湘月 賦雲溪

隨風萬里已無心出岫浮游天地爲問山中何所有  
此意不堪持寄淡薄相依行藏自適一片松陰外石  
根蒼潤飄飄元是清氣 長伴暗谷泉生清光漱灑  
溼影搖花碎濯濯波濤江漢裏忽見清流如此枝上  
瓢空鷗邊沙淨欲洗愁

一作幽

人耳白蘋洲上浩歌一

曲一作春水

又 余載書來往山陰道中每以事奪不能盡興戊子冬晚與王中仙徐絕壁曳舟溪上天空水寒古意蕭瑟中仙有詞雅麗絕壁作晉雪圖亦清逸可觀余述此詞姜白石鬲指聲也

行行且止把乾坤收拾一作篷牖屋底一作星散白

鷗三四點數筆秋塘清意一作岸嘴冲波籬根受

葉一作野徑通邨市疎風迎面溼衣元是空翠 堪

歎敲雪門荒爭棋墅冷苦竹鳴山鬼縱使如今猶有晉無復清游如此落日沙黃遠天雲淡弄影蘆花外

幾時歸去翦取一半烟水

一萼紅

周草牖新居

堂名志雅詞名  
蘋洲漁笛譜

製荷衣傍山牖卜

一作小

隱雅志可閑時款竹門深移

花檻小動人芳意菲菲怕冷落蘋洲夜月想時將玉

一作漁

笛靜中吹塵外柴桑燈前兒女咲語忘歸分

得烟霞數畝仁埽苔尋徑撥葉通池放鶴幽情吟鷺  
懽事老去卻願春遲愛吾廬琴書自樂好襟裏初不  
要人知長日一簾芳草一卷新詩

臺城路 送周之芳之吳

朗吟未了西湖路驚心又歌南浦折柳官橋呼船野

渡還憶五湖風雨漂流最苦况如此江山此一作時  
情緒怕有鴟夷咲人何事載詩去 荒臺祇今在否  
登臨休望遠都是愁處暗草埋沙明波洗月誰念天  
涯羈旅荷陰未暑快料理歸程再盟鷗鷺只恐空山  
近來無杜宇

又 庚辰會汪菊坡于薊北恍然如夢回憶舊游已  
十八年矣

十年前事翻疑寢重逢可憐俱老水國春空山城歲  
晚無語相看一咲荷衣換了任京洛塵沙冷凝風帽  
見說吟情近來不到謝池草 懽游曾步翠窈亂紅

迷紫曲芳意今

一作多

少舞扇招涼歌撓喚玉猶憶錢

塘蘇小無端暗惱又幾度留連燕昏鶯曉回首妝樓甚時重去好

又寄太白山人陳又新

薛濤牋上相思字重開又還重摺太白秋聲東瀛柳

色一縷輕痕輕折

一作載酒船空眠波柳老一縷離痕難折

虛沙動月歎

千里悲歌唾壺敲缺記得

一作御說

巴山此時裏抱那時

說

一作節

寒香深處話別病來渾瘦損嬾賦清切咲

裏移香吟邊慨古

一作太白閑雲新豐舊雨

多少英雄消歇回潮

似咽送一點愁心故人天末江影沈沈夜深鷗寢濶

又 雪竇寺訪同翁東岩

雪深

一作雲多

不記山深淺人行半天岩壑曠野飛聲虛

空倒影松桂危峯陡落流泉歎薄自窈窕尋源引瓢  
孤酌倦倚高寒少年游事老方覺 幽尋閑院窅閣

樹涼僧坐定翻咲行樂近竹驚秋穿籬誤晚都把塵

緣消卻東鄰似昨待留

一作學

取當年晉人曾約童子

何知故山空放鶴

三姝媚 送蘇亦山

蒼潭枯海樹正雪竇高寒水聲東去古意蕭閑問結  
廬人遠白雲誰侶賀監猶存還散跡千岩風露抱瑟

空游都是淒涼此愁誰語 莫趁江湖鷗鷺怕太乙  
鱸烟暗消鉛虎投老心情判歸來何事共成羈旅布  
襪青鞋都一作休誤入桃源深處待得重逢卻話巴山  
夜雨

瑣牖寒 旅牖孤寂雨意垂垂買舟西渡未能也賦  
此爲錢唐故人韓竹間問

亂雨敲春深烟帶晚水牖慵凭空簾慢卷數日更無  
花影怕依然舊時燕歸定應未識江南冷最憐他樹  
底鶯紅不語背人吹盡 清潤通幽境待翦韭移燈  
試香温鼎分明醉裏過了幾番風信想竹間高閣半



閑小車未來猶自等  
傷新晴隔柳呼船待  
教潮汎穩  
又王碧山又號中仙  
越人也其詩清峭其詞  
嫺雅  
有姜白石意趣今絕響  
矣余悼之玉笥山長歌  
之急甚於哀慟

斷碧分山空簾牖月  
故人天外香留酒滯胡  
蝶一生  
花裏想如今醉魂未醒  
夜臺寢語秋聲碎自中  
仙去  
後詩箋賦筆優無情致  
都是淒涼意  
玉笥埋雲  
錦袍歸去一作水  
形容憔悴料應也孤吟  
山鬼那知人  
彈折素琴一作絃  
黃金鑄出相思淚  
但柳枝門掩枯陰  
候蒼愁暗葦

憶舊游 新朋故侶醉酒遲留吳山縱橫渺兮予裏

記開簾過酒隔水懸燈款語梅邊未了清游興又飄

然獨去何處山川淡風暗收榆莢吹下沈郎錢嘆客

裏光陰消磨艷冶都在尊前 留連住一作人處是

鑑曲窺鸞蘭沼一作阜 園泉醉拂珊瑚樹寫百年幽恨

分付吟牋故園一作舊幾回飛屨江雨夜涼船縱忘

卻歸期千山未必無杜鵑

又 都下長春宮卽舊之太極宮也

看方壺擁翠太極垂光積雪初晴闔闔黃道正綠

章封事飛上層青古臺半壓奇樹引袖拂寒星見玉

冷閑坡金明邃宇人住深清  
幽尋自來去對華表  
千年天籟無聲別有長生路  
看花開花落何處無春  
露臺深鎖丹氣隔水喚青禽  
尙記得歸時鶴衣鵲采  
都是雲

又登越中蓬萊閣

問蓬萊何處風月依然萬里江  
清休說神仙事  
僂神仙縱有卽是閑人  
咲我幾番醉醒石磴埽松陰甚狂  
客難招采芳難贈且自微吟  
俯仰成陳迹歎百年  
誰在闌一作橫檻孤憑海月一作日  
生殘夜看卧龍和寢  
飛入秋暝還聽水聲東去山冷不生雲  
正極目空寒

瀟瀟漢柏愁茂陵

又 過鄰家望故園有感

記凝妝倚扇咲眼窺簾曾款芳尊步履交枝逕引生  
香不斷流水中分忘了牡丹名字和露撥花根甚杜  
牧重來買栽無地都是消魂 空存腸斷一作腸斷草伴

幾折眉痕幾點嗁痕鏡裏芙蓉老問如今何處縮綠  
梳雲怕有舊時梁一作歸燕猶自識黃昏待說與羈愁

遙知路隔揚柳門

又 余與趙元父一別四載癸巳春見之古杭髻蒼  
顏改心事顧卻以余之況味有于元父甚者因歌

此曲

歎江潭樹老杜曲門荒同賦飄零乍見翻疑寢對蕭  
蕭短髮都是愁根秉燭故人歸後花月鎖春深縱草  
帶堪題爭如片葉能寄殷勤重尋已無處尙憶得  
依稀柳下東一作芳鄰伫立香風外抱孤愁淒惋羞燕  
慚鶯俛仰十年前事醉語一作後醒還驚又曉日千峰  
涓涓露溼花氣生

滿庭芳 小春

晴皎霜花曉融冰羽開簾覺道寒輕誤聞嗁鳥生意  
又園林閑了淒涼賦筆優而今嬾一作又聽秋聲消凝

處苔枝借暝終是未多情

陽和能幾許尋紅

一作芳

探粉也恁忤人咲鄰娃癡小料理護花鈴卻怕驚回  
睡蝶恐和它草寢都醒還知否能消幾日風雪灞橋  
深

龍吟曲 客中留別故人

亂紅飛已無多艷游終是如今少一番過雨一番春

減催人自

一作漸

老倚檻調鶯卷簾歸

一作收

燕故圍空

杳奈關愁不住悠悠萬里渾卻似天涯草 不擬相  
逢故道纔疑寢又還驚覺清風在柳江搖白浪舟行  
趁曉遮莫重來不如休去怎堪裏抱那知五柳門荒

曾聽得嗁鵲了

按此詞原本作三疊首疊譌脫不能句讀嗁鵲下屨入泰山晉水甚卻向

此時登眺清致少那愛好游人老數句爲一疊謹遵御選歷代詩餘訂正而未韻仍不合律存疑可也

探芳信

次周草窗韻

坐清晝正冶思縈花餘醒倦酒甚采芳人老丹心尙  
如舊消魂忍說銅駝事不是因春瘦向西園竹埽頽  
垣蔓羅荒葵風雨夜來驟歎歌冷鷺簾恨凝蛾岫  
愁到今年多一作都似去年否賦情嬾聽山陽笛目極  
空搔首我何堪老卻江潭漢柳

梅子黃時雨

病中裏歸

流水孤村愛塵事頓消來訪深隱向醉裏誰扶滿身

花影鷗鷺相看如

一作鷺  
相比

瘦近來不是傷春病嗟流

景竹外野橋猶繫烟艇

誰引斜川歸興俊嗚鴉縱

少無奈時聽待棹擊空明魚波千頃彈斷琵琶留不

住最愁人是黃昏近江風緊一行柳絲

一作  
陰

吹暝

淒涼犯 北京道中寄襄

蕭疎野柳鳴寒雨

一作嘶  
寒馬

蘆花深見游獵山勢北來

甚時曾到醉魂飛越酸風自咽吟擁鼻征衣暗裂正

淒迷天涯羈旅不似灞橋雪 誰意而今老目擊寒

沙坐分黃葉

一作誰念而今老嬾  
賦長楊倦裏休說

空憐斷椽寢依依

歲華輕別待擊歌壺怕如意和冰凍折且行行平沙



萬里盡是月

又

西風暗翦荷衣碎柔絲不解重緝荒烟斷浦晴暉零  
落一作  
歷亂半江搖碧悠悠望極忍獨聽秋聲漸急愛憐

它柳髮蕭條相與動秋一作  
愁色老態今如此猶自

流連醉筇吟一作  
游屐不堪瘦影渺天涯儘成行客因

甚忘歸怕吹裂山陽夜笛寢三十六陂流水未曾一作

去  
未  
得

慶春宮 都下寒食游人甚盛水邊沙際多麗人小

鬟集以柳圈被襖而去

波蕩蘭觴鄰分杏酪晝暉冉冉烘晴胃索飛仙戲船

移景薄游也自忸人薰風來處一作短橋虛市聽隔水人家

一作隔柳誰家賣錫月題爭繫油壁相連咲語逢迎池亭

小隊秦箏就地圍香臨水湔裙冶態飄雲醉妝扶玉  
未應閑了芳情旅裏無限忍不住低低問春梨花落

盡一點新燈一作愁曾到西冷

疎影 辛卯北歸與西湖諸友夜酌有感昔游書于

水竹清隱

柳黃未結放嫩晴消淨斷橋殘雪隔水人家渾是花  
陰曾醉好春時節輕車幾度清隄曉想如今燕鶯猶

說縱艷游得似當年早是舊情都別  
重到翻疑寢醒弄泉試照影驚見華髮卻咲歸來石老雲荒身世  
飄然一葉閑門約住青山色自容與吟牖清絕怕夜  
寒吹到梅花休卷半簾明月

祝英臺近 與周草牖話舊

水痕深花信足寂寞漢南樹轉首清陰芳意

一作事頓

如許不知多少消魂夜來風雨猶寢斷江流處  
最無據長年息影空山愁入庾郎句玉老田荒心事已  
遲暮幾回聽得嘯鶻不如歸去終不似舊時鸚鵡

又 重過西湖書所見

水西船山北酒多爲買春去事與雲消飛過舊時雨

謾留一掬相思待題紅葉怕一作奈紅葉愛無題處

正延伫亂紅一作花渾不知名嬌小未成語短棹輕裝

逢迎斷橋路那知楊柳風流樹猶如此愛休道少年

張緒

又

及春游卜夜飲人醉萬花醒轉首年光白髮颯一作半

垂領與鷗同一清波輕風皎月一作黃月何事浮踪不

定靜中省僂思門掩柴扉一作桑黃卷伴一作孤隱

一粟生涯樂意在瓢飲愛閑休說山深有梅花處愛

添箇暗香疎影

又 題陸壺天水墨蘭石

帶飄飄衣楚楚空谷飲甘露一轉花風蕭艾遽如許  
細看息影雲根淡然詩思曾否被生香輕誤 此中

趣能消幾筆清奇羞掩眾芳譜一作薛老苔荒山鬼

竟無語寢游忘了江南美一作故人何處聽一片瀟湘

夜雨

徵招 聽袁伯彥長太古琴

秋聲吹碎江南樹石床自聽流水別鶴夜一作不歸來

引悲風千里餘音猶在耳有誰識醉翁深意去國情

白雲

四日齋

裏草枯天一作沙遠尙鳴山鬼 客裏可消憂人間世

寥寥幾年無此杏老古壇荒把淒涼空指心塵聊愛

洗傷何處竹間松底共長飲一作良夜白月娟娟一作紛紛鎮

一作領一天秋氣

又 龔仇山村見寄

可憐張緒門前柳相看頓非年少三徑已荒涼愛如

今裏抱薄游都是感一作渾未減滿烟水東風殘照古調

誰彈古音誰賞歲華空老 京洛染緇塵悠悠意獨

立一作對南山一咲只在此山中甚相逢不早愛吟心

共苦知幾度翦燈牖小何時愛聽雨巴山賦草池春

曉

桂枝香 送葉賓州東歸

晴江迥濶又客裏天涯還難輕別萬里潮生一棹柳  
絲猶結荷衣好向山中補共飄霈幾年霜雪賦歸何  
晚依依徑菊弄香時節料此去清游未歇引一片  
秋聲都付吟篋落葉長安古意對人休說相思只在  
相逢一作處有孤芳可憐空折舊裊難寫山陽怨笛  
夜涼吹月

長亭怨 爲任次山賦馴鷺

咲海上白鷗盟冷飛過前灘又賦秋景似我知魚亂

蒲流水動清影歲華空老猶一縷柔絲戀頂慵憶鴈  
行恐應是朝回花底人靜 悵離羣日暮都把野情  
消盡山中舊隱料獨樹尙懸蒼暝引殘寢直上青天  
又何處溪風吹醒定莫負歸舟同載烟波千頃

又 有感故居

望花外小橋流水門巷愔愔玉簫聲絕鶴去臺空珮  
環何處弄明月十年前事愁千折心情頓別露粉風  
香誰爲主都成消歇 淒咽曉牖分袂處同把帶綰

一作

親結江空歲晚更

一作優  
又作宵

忘了尊前曾說恨西

風不庇寒蟬倭埽盡一林殘葉謝它

一無  
它字

楊柳多情



還有綠陰時節

法曲獻仙音

聽琵琶有裏昔游

雲隱山暉樹分溪影未放妝臺簾捲篝密籠香鏡圓  
窺粉花深自然寒淺正人在銀屏底琵琶半遮面  
語聲軟且休彈玉關愁怨怕喚起西湖那時春感楊  
柳古灣頭記小憐隔水曾見聽到無聲謾贏得情絮  
難翦把一襟心事散入落梅千點

還京樂

餞陳行之歸吳

勝游多處是琴樽坐石松下語有筆牀茶竈瘦筇相  
引逢花須住正翠陰迷路年華荏苒成孤旅待趁燕

嬌休忘了元都前度  
漸烟波遠怕五湖淒涼佳人  
袖薄修竹依依日暮知它甚處重逢  
倏匆匆忙帶潮  
去莫因循悞了幽期應孤舊雨  
佇立山風悅明月搖  
碎江樹

邁陂塘

愛吾廬傍湖千頃蒼茫一片清潤晴嵐暝翠融融處  
花影倒窺天鏡沙浦迴看野水涵波隔柳橫孤艇眠  
鷗未醒甚占得蕪鄉都無人見斜照起春暝  
休重  
省莫問山中秦晉桃源今度難認林間卽是長生路  
一咲元非捷徑  
委深靜待散髮吹簫鶴背天風冷憑

高露飲正碧落塵空光搖半壁月在萬松頂

暗香

海濱孤寂魚浪不來寄周隱

羽音寂寞怪虛簾夜悄近來無鵲水葉吹寒極目凝  
思倚江閣不信相如僂老猶未減當時游樂但趁它  
鬥草籌花終是帶離索 憶昨愛情惡認著梅花是  
君還錯石牀冷落閑埽松陰與誰酌一自飄霈去遠  
後一作誤了燈前深約從此歸未得幾曾忘卻

大聖樂

華春堂同趙學舟賦

隱市山林傷家池館頓成佳趣是幾番臨水看雲就  
樹攬香詩滿闌干橫處翠徑小車行花影聽一片春

聲人咲語深庭宇對清晝漸長閑教鸚鵡芳情緩  
尋細數愛碧草烟江白雨任燕來鶯去香凝翠暝歌  
酒清時鐘鼓二十四簾冰壺裏有誰在蕭臺猶醉舞  
吹笙侶倚高寒半天風露

洞仙歌 觀王碧山花外春感

野鶻嗥月俊角巾還第輕擲詩瓢趁一作流水最無

端小院寂寞春空門自掩柳髮離離已一無如此

可惜歡娛地雨冷雲昏不見當時譜銀字舊曲怯重

翻總是愁思一作離愁淚痕灑一簾花碎寢沈沈都一作知

道不歸來尙錯問桃根醉魂醒未

門嬋娟 故園荒沒懽事去心有感而作

舊家池沼尋芳處從教飛燕頻繞一灣柳護水房春  
看鏡鸞窺曉暈宿粉雙蛾淡掃羅襦飄帶腰圍小盡  
醉方歸去又暗約明朝門草誰解先到 心緒亂若

晴絲那回游處墮紅爭戀殘照近來懽心一作事漸無

多尙被鶯惱俊白髮縱少不似前時好謾重省燕臺

句

一作謾  
立東風外

愁極酒醒背花一咲

玲瓏四犯 杭州夜歸醉調此寄意

流水人家乍過了斜陽一片蒼樹怕秋聲都是舊愁  
來處因甚尙客他鄉自咲我被誰留住問種田不是

前度不礙桃花輕妒 少年未識相思苦最難禁此  
時情緒行雲暗與風流散方信別淚如雨何況帳空  
鶴怨怎奈向如今歸去更可憐閑裏白了頭還知否  
西河 史元叟依綠莊賞荷

花最盛西湖曾泛烟艇鬧紅深處小秦箏斷橋夜飲  
鴛鴦水宿不知寒如今翻被驚醒 那時節都倦省

闌干來此閑凭是誰分得半機雲恍疑畫錦想當年

飛燕皺裙

一無年字裙下有時字

舞盤微墮珠粉

軟波不翦

素練淨碧盈盈移下秋影醉裏玉書難認且脫巾露

髮飄然乘興一葉浮香天風

一作冷

慶清朝 韓亦顏歸隱兩水之濱殆未遜王右丞辛  
夷泚余亦從之游散髮吟眺一任所適盤花旋竹  
至暮始歸自太白去後三百年無此樂也寧復易  
得耶

淺草猶霜融泥未燕晴梢潤葉初乾閑扶短策尋幽  
鄰家一作小聚清懽錯認籬根是雪梅花過了一番寒風

還峭較遲芳信恰似春殘 此境此時此意待攜琴

獨去石冷慵彈飄飄爽氣飛鳥相與俱還醉裏不知

何處一作潭影空搖醉魄好詩盡在夕陽山山深杳杳無人到

流水花間

瑞鶴仙 趙文升席上代去姬寫襄

楚雲分斷雨問那回因甚琴心先許匆匆話離緒正  
花房蜂鬧著春無處殘歌賸舞尙隱約當時院宇黯  
消凝從此愁多雀一作銅忍把小喬輕誤 休賦玉尊  
別後老葉沈溝暗珠還浦歡游試數能幾日采芳去  
又一作最無端做了霎時嬌一作妖寢不道風流恁一作甚  
苦把餘情付與秋螿夜長自語

國香 賦蘭

空谷幽人曳冰簪霧帶古意一作色生春結根倦隨蕭

艾獨抱孤貞自分生涯淡薄隱蓬蒿甘老山林風烟



共

一作

憔悴冷落吳宮草暗花深

霽痕消蕙雪向

崖陰飲露應是知心所思何處愁滿楚水湘雲官信

遺芳千古尙依依澤畔行吟香魂

一作痕

已成寢短操

誰彈月冷瑤琴

山中白雲詞卷上

山中白雲詞卷下

雙白詞六

宋 西秦 張炎 叔夏

疎影 梅影

黃昏片月似碎陰滿地還更清絕枝北枝南疑有疑  
無幾度背燈難折依稀倩女離魂處緩步出前村時  
節看夜深竹外橫斜應妬過雲明滅 窺鏡娥眉淡  
掃爲容不在貌獨抱孤潔莫是花光描取春魂不怕  
麗譙吹徹還驚海上燃犀去照水底珊瑚疑活作弄  
得酒醒天寒空對一庭香雪

聲聲慢 送琴友歸杭

荷衣消翠薰帶餘香燈前共話平生苦竹黃蘆都是  
寢裏游情西湖幾番風雨怕如今冷卻鷗盟倩寄遠  
見故人說到杜老飄零難挽清風飛珮有相思都  
在斷柳長汀此別何如一咲寫入瑤琴天空水雲變  
色任悄悄山鬼愁聽興未已又一作何妨彈到廣陵  
又 乙亥歲自台回杭雁旅數月復起歸興冉冉老  
矣誰能重寫卧游編否

穿花省路傍竹尋鄰如何故隱都荒問取隄邊因甚  
減卻垂楊消磨縱然未盡滿烟波添了斜陽空歎息  
又翻成無限杜老淒涼 一舸清風何處把秦山晉

水分貯詩囊興已飄飄

一作髮已飄蕭

休問歲晚空江松陵

試招舊隱

一作雨

怕白鷗猶識清狂漸遡遠望并州卻

是故鄉

長亭怨

辛卯歲會菊泉於薊北踰八年會於甬東

未幾別去將復之北作此以餞

記橫笛玉關高處萬里沙寒雪深無路破卻

貂裘歸遠遊

後與誰譜故人何許渾忘了江南舊雨不擬重逢應

咲我飄霈如羽

同去釣珊瑚海樹底事倭成行旅

烟蓬斷浦愛幾點戀人飛絮如今又京國

一作洛

尋春

定應被薇花留住且莫把孤愁說與當時歌舞

江神子 孫虛齋作四雲庵俾余賦之

奇峰相對接珠庭  
昨微晴又微陰  
舍北江東如蓋自

亭亭翻咲天台連雁宕  
一片裏一作隔不逢君  
此

中幽趣許誰鄰  
境雙清人獨清  
采葯難尋童子語  
山

深絕似醉翁吟一作游  
樂意林壑靜聽泉聲右問雲

塞翁吟

交到無心處  
出岫細話幽期  
看流水意俱遲  
且淡薄

相依凌霄未肯從  
龍一作爲霖去物外共鶴忘  
機迷古洞

掩晴暉翠引一作微  
溼行一作紅衣  
飛飛垂天翼  
飄然

萬里愁日暮  
佳人未歸尚記得  
巴山夜雨耿無語  
只

說生平都付陶詩休題五朵莫癡一作問陽台不贈相

思右友雲

祝英臺近

占寬閑鋤浩渺船繫水村悄非靄一作霧非烟生意覆

瑤草蒙茸數畝春陰寢魂落寞知踏碎梨花多少

聽孤嘯山淺種玉人歸縹緲度晴峭鶴下芝田五色

散微照咲它隔浦誰家半江疎雨定吟斷一犁清曉

右耕雲

風入松

卷舒無意入虛元邱壑伴寒烟石根清氣千年潤覆

孤松深護嘯猿藹藹靜隨仙隱悠悠閑對僧眠 傷  
花嬾問小溪邊空谷覆流泉浮蹤自感今如此已無  
心萬里行天記得昔人歸去御風飛過斜川右岫雲  
又 澄江刻水仙閣或曰桃源圖夷堅志云七十二

仙合霓裳古曲

迷

一作危

樓古鏡影猶寒倒影忽相看桃花不識東西

晉想如今也到

一作寢

邯鄲縹緲神仙海上飄霽圖畫

人間 寶光丹氣共迴環水弱小舟閑秋風難老三

株樹尙依然

一作依依

脆管清彈說與霓裳莫舞銀橋不

到深山



又

一春不是不尋春終是不快人好懷漸向中年減對

歌鐘渾沒心

一作風

情短帽怕黏飛絮輕衫厭撲游塵

暝香十里款

一作軟

鶯聲小舫綠楊陰寢隨蝴蝶飄

霈後尙依依花月關心惆悵一株梨雪明年甚處清

明

又 酒邊偶賦

小窗晴綠

一作碧

颭簾

一作閑

波畫影舞飛梭惜春猶問

花多少柳陰中

一作成陰

春已無多乍試泥金巧扇初裁

水碧輕羅

一作金字初尋小扇  
鉢衣早試輕羅

園林未肯受

一作愛

清

和人醉牡丹坡咲歌且盡平生事問東風畢竟如何  
燕子尋常巷陌酒邊莫唱西河

又 蔣山泉溪堂

門前山可久長看留住白雲難溪虛一作光卻與雲相

傍對白雲何必深山爽氣全一作潛生樹石清光徑一作

竟入闌干 舊家三徑竹千竿蒼雪拂衣寒綠簑青

笠元眞子釣風波不是眞閑得似壺中日月依然只  
在人間

又 子昂竹石卷

新篁依約珮初搖老石潤山腰逸人未必猶酣酒正

溪頭風雨瀟瀟礪齒休隨市隱虛心宥受春招從  
教三徑入漁樵對此覺塵消娟枝冷葉無多子伴明  
牖書卷詩瓢清過炎天梅蕊淡欺雪裏芭蕉

燭影搖紅 隔牖聞歌

閑一作圍院深沈趁香隨粉都行徧隔牖花氣暝扶春

只許鶯鶯占燭焰晴烘醉想東鄰偷窺咲眼欲尋無  
處暗拍新聲銀屏斜掩 一片閑雲一作雲閑那知顧曲

周郎倦一作怨看花猶自未分明畢竟何時見已信仙

緣較淺漫凝思風簾倒捲出門一咲月落江橫數峰

天遠

西子粧 吳寢牖自製此曲余喜其聲調嫺雅久欲

效而未能甲午春寓羅江陳文卿閑行江上景況

離離因填此詞惜舊謹零落不能倚聲而歌也

白浪搖天清陰漲地一片野情

一作

幽意楊花點點

是春心替風前萬花吹淚遙岑寸碧有誰看朝來清

氣自沈吟甚流光輕把

一作

繁華如此

斜陽外隱

約孤邨隔塢閑門閉漁舟何似莫歸來想桃源路通

人世危橋靜倚千年事都消一醉謾依依愁落鵲聲

萬里

接遙岑寸碧碧字借叶方彼切非是  
均也周稗圭選改作殘山曠水非是

露華

碧桃

亂紅自雨正翠蹊誤曉玉洞明春蛾眉淡埽背風不  
語盈盈莫恨小溪流水引劉郎不是飛瓊羅扇底從  
教淨冶遠障歌塵 一掬瑩然生意伴壓架茶蘼相

惱芳吟元都觀裏幾回錯認梨雲花外一作可憐仙

子醉春一作風猶自吹笙殘照晚漁翁正迷武陵

解語花 吳子雲家姬愛菊忽有朝雲之感

行歌趁月喚酒延秋多買鶯鶯咲蕊枝嬌小渾無奈  
一掬醉鄉裏抱籌花門草幾曾放好春閑了芳意闌  
可惜香心一夜酸風埽 海上仙山縹緲問玉環何  
事苦無分曉舊愁空杳藍橋路深掩半庭斜照餘情

暗惱都緣是口口年少驚寢回懶說相思畢竟如今

老

按此詞下段第六句應作七字句此只五字恐有奪誤它選皆無此闕無從參攷集中此類不乏未

能一一拈出又未便意爲增損俟得善本再訂正焉

春從天上來 自東越還西湖飲董昌士書樓

海上回槎念舊時鷗鷺猶戀蒹葭影散香消水流雲

在疏樹十里寒沙難問錢唐蘇小都是否一作不見擘竹

分茶自

一作

堪嗟問荻花江上誰弄琵琶

烟霞自

延晚照盡換了西林窈窕紋紗蝴蝶飛來不知是寢

猶疑春在鄰家一掬幽衷難寫春何處春已天涯減

繁華漫愁

一作是山中

杜宇莫

一作不

是楊花

八聲甘州 陳文叔與予別十載予東還文叔北歸  
聚首于杭况味相對寥落遂述此詞爰十年後視  
之又當何如耶

記當年紫曲戲分花簾影最深深聽惺忪語咲香尋  
古字譜招新聲散盡黃金歌舞那處著春情寢醒方  
知寢寢豈無憑 幾點別餘清淚盡化作妝樓斷雨  
殘雲指梢頭舊恨豆蔻結同心都休問北來南去但  
依依同是可憐人還飄泊何時樽酒卻說如今

鳩影搖紅 西浙冬春游事之盛唯杭爲最余久處  
東浙回杭訪舊與二三友一時行樂聊以詞紀

舟繫鷗波訪鄰尋里愁都散老來猶似柳風流先露

看花眼閑把花枝試

一作細

揀咲盈盈和香待翦也應

回首紫曲門荒當年游慣 簫鼓黃昏動人心事情

無限錦街不甚月明多早已驕塵滿纔過風柔夜暝

漸迤邐芳程遞邁向西湖去那裏人家依然鶯燕

探春 己亥歲晚客吳中作

列屋烘爐深門

一作扉

響竹催殘客裏時序投老情衰

薄游滋味消得幾多

一作回

淒楚聽雁聽風雨愛聽過

數聲柔櫓暗將一點歸心細把鄉書

一作托醉鄉

分付 試

一作借

問西樓在否休忘了盈盈端正窺戶簾卸蟾冰



柳縈蛾雪

一作鏡馬春  
冰柳蛾暗雪

次第滿城簫鼓閑見誰家月

渾不記舊游何處伴我微吟恰有梅花一樹

意難忘

中吳車秀卿歌美成曲得其音節余聽之

亦絕無僅有者因賦此以贈余謂有善歌而無善  
聽抑揚高下聲字都宣側耳者幾人曾不若春蚓  
秋螿爭聲響於月籬烟砌間余故深有感於斯

風月吳娃柳陰中認得第一

一作二

香車春深妝減艷

波轉影流花鶯語澁翦紛華暝雲聚紋紗

一作鶯語  
滑透紋紗

有低唱  
人誇

怕誤周郎顧

一作醉

眼倚扇低

一作伴

遮

底須

擊拍一作

碎紅牙聽曲終雅奏可是堪嗟無人知此意

明月又誰家塵滾滾老年華賦情在琵琶愛嘆我黃  
蘆苦竹萬里天涯

鳳凰閣 別宜興諸友

好游人老秋髻蘆花共色征衣猶戀去年客古道依  
然黃葉誰家蕭瑟自咲我如何是得 酒樓猶一作仍

在流落天涯醉白孤城寒樹美人隔烟水此程應遠  
須尋梅驛又漸數花風第一

壺中天 爲陸義齋賦秀野園清暉山堂

穿幽透密傍園林晏樂清時鐘鼓簾隔波紋分晝靜  
融得一壺春聚篆徑通花花多迷徑難省來時路緩

尋深靜野雲松下無數 空翠暗溼荷衣夷猶舒嘯  
日涉成佳趣香雪因風晴雯落知是山中何樹響石  
橫琴懸崖擁檻待月慵歸去忽來詩思水田飛下霜  
鷺

又 壽月溪

波明晝錦看芳蓮迎曉風弄晴碧喬木千年長潤屋  
清蔭圖書琴瑟龜甲屏開蝦鬚簾捲瑤草秋無色和  
薰蘭麝綵衣懽擁詩伯 溪上燕往鷗還筆床茶竈  
筇竹隨游屐閑似神仙閑最好未必如今閑得書染  
芝香驛傳梅信次第來雲北金尊須滿月光長照歌

席

清波引 橫舟湖湘就賦送別廉使

江濤如許霎一夜聽風聽雨短篷容與盤礴那堪數  
弭節澄江樹不爲蓴鱸歸去怕教冷落蘆花誰招得  
舊一有盟字鷗鷺寒汀斷浦盡日無人喚渡此中清楚  
寄情在談麈難覓真閑處宥被水雲留住冷然棹入  
中流去天尺五

暗香 送杜景齋歸永嘉

猗蘭聲歇抱孤琴思遠幾番彈徹洗耳無人寂寂行  
歌古城一作時月一咲東風又急暗消凝一作魂恨聽嘯

鵝想杜陵還歎飄霈遣興在吟篋 愁絕愛離別待

款語微吟賦歸心切故園癡接花暗閉門掩春一作飛

蝶重訪山中舊隱有羈裏未須輕說莫相忘隄上柳

此時共折

瑤臺聚八仙

楚竹閑挑干日酒樂意稍稍漁樵那回輕散飛寢俊

覺迢迢似隔芙蓉無路到如何共此可憐宵舊愁消

故人念我來問寂寥 登臨試開咲口看垂垂短髮

破帽輕一作休飄款語微吟清風頓掃花妖明朝柳岸

醉醒又知在烟波第幾橋裏人處任滿身風露踏月

吹簫

又

秋月娟娟人正遠魚雁待拂吟箋也知游事多在第二橋邊花底鴛鴦深處隱柳陰淡隔裏湖船路綿綿  
 寢吹舊曲如此山川平生幾兩謝屐僂放歌自得  
 直上風烟峭壁誰家長嘯竟落松前十年孤劒萬里  
 又何似畦分抱瓮泉中山酒且醉餐石髓白眼青天  
 淡黃柳 贈歌者蘇柳兒

楚腰一捻羞翦青絲結力未勝春嬌怯怯一作惻惻暗託

鶯聲細說蹙損一作愁蹙眉心門雙葉 正情切柔枝一作

條  
未堪折應不解綰離別柰如今已入東風眺望斷  
章臺馬蹶何處閑了黃昏淡月

一萼紅 爲束季博園池賦

掛簾

一作

孤篷正叢篁護碧水曲池通偃僂穿岩紆

盤尋徑忽見倒影凌空擁一片花陰無地細看來猶  
帶古一作舊春風勝事園林舊一作故家陶謝詩酒相逢

眼底烟霞無數料神仙卽我何處空同清氣飛來  
生香不斷洞戶自有雲封認奇字摩挲峭壁聚萬景  
只在此山中  
人倚虛闌喚鶴月白千峰

霜葉飛

悼江陰吳立齋

故園空杳霜風勁南塘吹斷瑤草已無清氣礙雲山  
奈此時裏抱尙記得修門賦曉杜陵花竹歸來早傷  
雅亭幽榭慣款語英游好裏無限歡咲不見換羽移  
商遠梁聲遠一作杏可憐都付殘照坐中泣下最誰  
多歎賞音人少悵一夜梅花頓老今年因甚無詩到  
待喚起清魂說與淒涼定應愁了

不蘭花謾舟中有裏江陰陸起潛皆山樓舊游

水痕吹杏雨正人在隔江船看燕集深蕪魚栖暗竹

溼影浮烟餘寒尙猶戀樹怕東風不一作未宵擘晴綿

愁重遲教醉醒寢長催得詩一作輕圓樓前咲語當



年情款密思留連記白月依弦青天墮酒滾滾江山  
垂髻至今在否倚飛臺誰擲買花錢不是尋春較晚  
都緣聽得嗁鵲

又近況

目光牛背上霎時把漢書看記落日

一作葉

江城孤雲

海樹漂泊忘還懸知偶然是寢寢醒來未必是邯鄲  
咲指螢燈借暎愁憐鏡雪驚寒投閑寄傲怡顏要

一似白鷗閑且旋緝荷衣琴尊客裏歲月人間菟裘  
漸營瘦竹任重門近水隔花關數畝清風自足元來  
不在深山

瀟瀟雨 汎江有裏袁通父唐月心二良友

空山彈古瑟掬長流洗耳復誰聽倚闌干不語江潭  
樹老風挾波鳴愁裏不須唳鵝花落石床平歲月鷗  
前寢耿耿離情 記得相逢竹外看詞源倒瀉一雪  
塵纓咲匆匆呼酒飛雨夜舟行又天涯零落如此掩閑  
門得似晉人清相思眼趁楊花去錯到長亭

臺城路 抵吳中書寄舊友

分明柳上東風眼曾見少年人老雁拂黃沙一作沙黃天

垂碧海一作海白 桡艇誰家昏曉驚心寢覺謾慷慨悲歌

賦歸不早想得相如此生終是倦游了 經行幾度

怨別酒痕消未

一作不

盡空被花惱茂苑重來竹溪深

隱還勝飄霈多少羈裏頓埽尙省識妝樓那回蘇小

寄與盟鷗問春何處好

又 爲湖天賦

扁舟忽過蘆花浦閑情俊隨鷗去水國吹簫虹橋問

月西子如今何許危闌漫撫正獨立蒼茫半空飛露

倒影虛明洞庭波映廣寒府 魚龍吹浪自舞渺然

淩萬頃如聽風雨夜氣浮山晴暉蕩目

一作薄日

一色無

尋秋處驚鳧自語尙記得當時散

一作故

人來否勝境

一作景

平分此心游太古

渡江雲 客中寒食寫興

江山居未定貂裘已敝空自帶愁歸亂花流水

一作亂水

流外訪里尋鄰都是可憐時橋邊燕子似輕語斜日

江籬休問我如今心事錯認鏡中誰還思新烟競

一作驚擾舊雨難招做不成春意渾未省誰家芳草猶

寢吟詩一株古柳觀漁港傷清涼足可幽棲閑趣好

白鷗認得一作尚識天隨

摸魚兒 爲卞南仲賦月溪

遡空明霽蟾飛下湖湘難辨蓬樹流來那得清如許  
不與眾流東注浮玉宇任消長盈虛壺內藏今古停

杯問取甚玉笛移宮銀橋散影依舊廣寒府  
休凝  
竹鼓柁漁歌在否滄浪渾是烟雨黃河路接銀河路  
炯炯去天尺五還自語奈一寸閑心不是安愁處凌  
風遠舉趁冰玉光中排雲萬里秋艇載詩去

月下笛 寄仇山邨

千里行秋支筇背錦頓裏清友殊鄉聚首愛吟猶自  
詩瘦山人不解思猿鶴咲問我韋娘在否記西湖一作  
隄畫舸花柔春鬧幾番攜手 別後都依舊但靖節

門前近來無柳盟鷗尙有可憐西塞漁叟斷腸不恨  
江南老恨落葉飄霈最久倦游處減羈愁猶未消磨

是酒

夜飛誰 中秋

林霏散浮暝河漢空雲都綠水國秋清綠房一夜迎  
向曉海影飛落寒冰蓬萊在何處但危峰縹緲玉籟

無聲簫鸞

一作文簫

素約料相逢依舊花

一作光

陰

登眺

尙餘佳興零露下衣襟欲醉還醒明月年年一作此

夜頡頏萬里同此陰晴霓裳寢斷到如今不許人聽

婆娑桂底誰家弄笛風起潮生

法曲獻仙音

梅失黃昏雁驚白晝脉脉斜飛林表絮不生萍水疑

浮玉此景真宜舒嘯記夜悄曾乘興何必見安道

繫船好望前邨未知甚處吟思苦誰遊灞橋路杳清  
影一瓢寒又何須分傷茶竈野屋瀟瀟任樓中低唱  
人咲漸東風解凍怕有桃花流到

石州慢 書所見寄子野公明

野色驚秋隨意散愁踏碎黃葉誰家籬落一作閑花

一作心

似語弄

一作試

妝羞

一作嬌

怯行行步影未教背寫

鬢支一搦猶立門前雪依約鏡中春又無端輕別

癡絕漢皋何處解珮何人底須情切空引東鄰遺恨

丁香空結十年舊恨一作癡一作向餘恍惚雲牖可憐不是

當時蝶深夜醉醒來好一庭風月

華胥引 觀錢舜舉畫牡丹梨花二折枝名洗妝紅

余賦此一曲并題二花

溫泉浴罷酣酒纔甦洗妝猶溼落漠

一作薄暮

雲深瑤臺

月下逢太白素衣初染天香對東風傾國惆悵東闌

炯然玉樹獨立 只恐江雲

一作空

頓忘卻錦袍清逸

柳迷歸院欲遣花妖未得誰寫一枝雅淡傷沈香亭

北說與鷓鷯怕人錯認秋色

洞仙歌 書寄梁中砥

中流

一作峰

壁立挂蓬萊孤劔蒼雪紛紛墮晴蘚自當



年詩酒客裏相逢春尙好鷗散烟波茂陵苑 只今  
誰最老種玉人間消得梅花共清淺問我入山期但  
恐山深松風把紅塵吹斷望弱水一作蓬萊知隔幾重雲  
料只隔中間白雲一片

新雁過妝樓 己巳菊月寓溧江上聞雁因動眷令  
之感

遍插茱萸人何處客裏頓嬾攜壺雁影涵秋絕似暮  
雨相呼料得曾留隄上月舊家一作時伴侶有書無渺  
愁余數聲怨抑翻致無書 誰識飄霈萬里更可憐

倦翼同此江湖飲啄關心知是近日何如陶潛漫存

菊逕最堪羨松風陶隱居沙汀冷揀寒枝不似烟水  
寒蘆

南樓令

風雨客殊鄉梧桐傷小牖甚秋聲今夜偏長暗憶舊  
時歌舞地誰得似牧之狂 茉莉擁釵梁雲窩一枕  
香醉曹騰多少思量明月半床人睡覺聽說到夜深  
涼

又 送黃一峰游靈隱

重整舊漁蓑江湖風雨多好襟襄近日消磨流水桃  
花隨處有終不似隱烟蘿 南浦又漁歌挑雲泛遠

波想孤山山下經過見說梅花都老盡憑爲問是如  
何

又 壽月溪

天淨雨初晴秋清人愛清滿吟牖柳思周情一片生

香

一作  
香來

松桂下長聽得教

一作  
讀

書聲

閑處養

一作  
卷

黃庭年年兩鬢青佩芳蘭休繫塵纓傷取溪邊端正  
月對玉兔話長生

又 卜定甫聚仙圖

會記宴蓬壺尋思認得無醉歸來事已模黏忽對畫  
圖如寢寐又因甚下清都 拍手咲相呼應書縮地

符想人間天上同途隔水一聲何處笛正月滿洞庭湖

浣溪沙

犀押簾櫳小院深楊花晝撲帳悵悵寢回孤蝶弄春陰  
乍見楚衣收帶眼初勻商鼎尉香心燕歸搖動護花鈴

又 墨水仙

昨夜藍田采玉游向陽瑤草帶花收如今風雨不須愁  
零露依稀傾鑿落碎瓊重疊綴搔頭白雲黃鶴思悠悠

又蘭

半面妝凝鏡裏春同心帶舞掌中身因沾弱水褪精  
神冷豔喜尋梅共咲枯香羞與珮同紉湘皋猶有  
未歸人

菩薩蠻

蕊香不戀琵琶結舞衣摺損藏花蝶春寢未堪憑幾  
時春寢眞愁把殘爇數泪落燈前雨詞酒可曾快  
情裏似去年

四字令

鶯啼翠屏香吹絮雲東風也怕飄霏帶飛花趕春

鄰娃咲聲嬉游趁晴明朝何處相尋那人家柳陰

醉落拓

柳侵闌角畫簾風軟香紅落引人蝴蝶翻輕薄已自  
關情和寢近來惡眉梢輕把閑愁著如今愁重眉  
梢弱雙眉不畫愁消卻不道愁痕來傷眼邊覺

又 趙霞谷所藏寢胸詞卷

鏤花鐫葉滿枝風露和香擷引將芳思歸吟篋寢與  
魂消閑了弄香蝶小樓簾捲訝聲歇幽篁獨處泉  
鳴咽錦箋空在一作愁難說霜一作角寒梅吹碎半

江月

清平樂

候蟲淒斷人語西風岸月落沙平流水漫驚見蘆花

來雁

一作月落沙平江似  
練望蘆花無雁

暗教愁損蘭成可憐夜

夜闌情

一作可憐瘦損蘭  
成多情應爲卿卿

只有一枝梧葉不知多少

秋聲

又 過吳中見屠存博遞詩有裛其人

五湖一葉風浪何曾

一作時

歇醉寢不知花影別依舊

空山明月

夜深獨鶴歸遲此時何處堪歸門外一

株楊柳折來多少相思

又 爲伯壽題四花

百花開後一朵疑堆繡絕色年年常似舊因甚不隨

春瘦

脂痕淡掃

一作約

蜂黃可憐獨倚新妝太白醉

游何處定教

應一作

忘了沈香

牡丹

點絳脣

獨殿春光此花開後無花了丹青人巧不許芳心老

密影翻階曾爲尋詩到竹西好采香歌杳十里紅

樓小

芍藥

卜算子

雅淡淺深黃顧影欺秋雨碧帶猶皺筍指痕不解擎

芳醕

休唱古陽關如把相思鑄似憶銅盤露已乾



愁在傾心處

葵花

蝶戀花

花占枝頭忒日焙金汞初收

一作抽

鼎煖

一作火鼎

鉛華褪

還似癡痕塗獺髓胭脂淡

一作濃

抹微酣醉

數朵摘

來春檻外欲染清幽

一作香

不許梅相對不是臨風珠

萼蕾山童隔水休敲碎

茶花

又 贈愛卿

頗愛楊瓊妝淡注猶理螺鬟擾擾鬆雲聚兩翦秋波

一作雨

流不去佯羞卻把周郎顧

欲訴閑愁無處

訴幾過鶯簾聽得間關語昨夜月明香暗度相思忽

到梅花樹

又 秋鶯

求友林泉深密處弄舌調簧如問春何許燕子新一作

先將雛燕去淒涼可是歌來暮 喬木蕭蕭桐葉雨

不似尋芳翻落花心露認取門前楊柳樹數年須入

新年語

虞美人 余昔賦柳兒詞今有杜牧重來之感樂天

詩云春盡絮飛留不得隨風好去落誰家因作憶

柳曲

修眉刷翠春痕聚難翦愁來處斷絲無力綰繁一作

挽一作

華也學落紅流水到天涯 那時一作錯認章臺樹

一作下 卻一作是陽關路也 待將心眼一作新恨 趁楊花不識

相思一點在誰家

減字木蘭花 寄秀卿

鎖香亭榭花艷烘春曾卜 夜空想芳游不到秋涼不  
信愁 酒遲歌緩月色平分秋一半誰伴孤吟手擘  
黃花碎卻心

踏莎行 郊行值游女以花投水戲作此

花引春來手擎春住芳心一點誰分付微歌微咲驀  
思量瞥然拋下一作東流去 帶潤偷拈和香密護

歸時自有留連處不隨流

一作烟

水不隨風不教輕把

劉郎誤

南鄉子

野色一橋分活水流雲直到門落葉擁籬從不埽開  
尊醉裏教兒讀楚文 隔斷馬蹏痕商鼎薰花獨自  
聞吟思愛添清絕處黃昏月白寒枝雪滿邨

又憶香

歌扇錦連枝問著東風已不知怪底樓前多種柳相  
思那葉渾如舊樣眉 醉裏眼都迷遮莫東牆帶咲  
窺行到尋常游冶處慵歸只是一作道看花似舊時

南歌子 燕喜亭

牖密春聲聚花多瘦

一作水

影重只留一路過東風圍

得生香不斷錦薰籠

月地連金屋雲樓瞰翠蓬惺

忪咲語隔簾櫳知是誰調鸚鵡柳陰中

青玉案 閑居

萬紅海

一作梅

裏幽閑處甚杖履來何暮草帶湘香穿

小樹塵留不住雲留不

一作卻

住壺內藏今古 獨清

嬾入終南去有忙事修花譜騎省不須重作賦園中

成趣琴中成

一作得

趣酒醒聽風雨

浪淘沙 作水墨水仙寄張伯雨

香霧溼雲鬟蕊珮珊珊酒醒微步晚波寒金鼎尙存  
丹已化雪冷虛壇 游冶未知還鶴怨空山瀟湘無  
寢遶叢蘭碧海茫茫歸不去卻在人間

珍珠令

桃花扇底歌聲杳愁多少俊覺道心閑了因甚不歸  
來因甚歸來不早 滿院飛花休要埽待與薄情知  
道怕一似飛花和春俱老

小重山 題烟竹圖

陰過雲根冷不移古林深又密色依依何須歎飯咲  
當時篔簹谷盈尺小鵝溪 展翫似堪疑楚山從此

去望中迷不知何處倚湘妃空江晚長笛一聲吹

又 題曉竹圖

淡色分山曉氣浮疏林猶賸葉不多秋林深憶得一作

仿佛舊曾游頻喚酒漁屋岸西頭不礙此凝眸朦朧

清影裡過輕一作扁舟行行應到白蘋洲烟水冷傳與

故溪

一作舊沙鷗

長相思 書寄咲倩柔香以致別意

去來心短長亭只隔中間一片雲不知何處尋 悶

還顰恨還嗔同是天涯淪落人此情烟水深

好事近 贈咲倩

葱倩滿身雲酒暈淺融香頰水調數聲閑雅把芳心  
徐說 風吹裙帶下階遲驚散雙蝴蝶伴撚花枝微  
咲溜晴波一瞥

一翦梅

悶蕊驚寒減豔痕蜂也消魂蝶也消魂醉歸無月傍  
黃昏知是花邨知是前邨 留得閑枝葉半存好似  
桃根不似桃根小樓昨夜雨聲渾春到三分秋到三  
分

國香 沈梅嬌杭妓也忽於燕薊見之把酒相勞苦  
猶能歌周德清意難忘臺城路二闋因屬余記此



事詞成以素羅悅書之

鷺柳烟隄記未吟青子曾比紅兒嬾嬌弄春微透鬢  
翠雙垂不道留仙不住倭無寢吹到南枝相看兩流  
落掩面疑羞怕說當時淒涼歌楚調嫋餘音不放  
一朵雲飛丁香枝上幾度款語深期拜了花梢淡月  
最難忘弄影牽衣無端動人處過了黃昏猶道休歸

山中白雲詞卷下

山中白雲詞補上

雙白詞七

宋 西秦 張炎 叔夏

紅情 荷花

無邊香色記涉江自採錦機雲密翦翦紅衣學舞波  
心舊曾識一見依然似語流水遠幾回空憶動倒影  
取次窺妝玉潤露痕溼 閑立翠屏側愛向人弄芳  
背酣斜日料應太液三十六宮土花碧清興凌風  
爽正無數滿汀如昔泛片葉烟波裏卧橫紫笛

綠意 荷葉

碧圓自潔向淺洲遠渚亭亭清絕猶有遺簪不展秋

心能捲幾多炎熱鴛鴦密語同傾蓋且莫與浣紗人  
說恐怨歌忽斷花風碎卻翠雲千疊 回首當年漢  
舞怕飛去慢縵留仙裙摺戀戀青衫猶染枯香還歎  
髻絲飄雪盤心清露如鉛水又一夜西風吹折喜靜  
看匹練秋光倒瀉半湖明月

八聲甘州

倚危樓一笛翠屏空萬里見天心度野光清峭晴峰  
湧日冷石生雲簾捲小亭虛院無地不花陰徑曲知  
何處春水泠泠 嘯傲柴桑影裏且怡顏莫問誰古  
誰今任燕留鷗住聊復慰幽情愛吾廬點塵難到好

林泉都付與閑人還知否元來卜隱不在山深

又 陸起潛皆山樓

俯長空不占洞庭波山拔地形高對扶蘇古木浮圖  
倒影勢壓雄濤門掩翠微僧院應有月明敲物換堂  
安在斷碣閑拋 不識廬山眞面是誰將此屋突兀  
林坳上層臺回首萬境入詩豪響天心數聲長嘯任  
清風吹頂髮蕭騷凭闌久青琴何處獨立瓊瑤

又

聽江湖夜雨十年燈孤影尙中洲對荒涼茂苑吟情  
渺渺心事悠悠見說寒梅猶在無處認西樓招取樓

邊月回載扁舟 明日琴書何處正  
風前墜葉草外閑鷗甚消磨不盡  
惟有古今愁總休問西湖南浦漸  
春來烟水接天流清游好醉招黃  
鶴一嘯高秋

聲聲慢

因風整帽借柳維舟休登故苑荒  
臺去歲何年游處半入蒼苔白鷗  
舊盟未冷但寒沙空與愁堆漫歎  
息向西風酒淚不忍徘徊眼底江  
山如在把冰弦彈斷苦憶顏回一  
點歸心分付布韞青鞵相尋已期  
到老那知人如此情裏悵望久海  
棠開依舊燕來

又寄華書隱

百花洲畔十里湖邊沙鷗未許盟寒舊隱琴書猶記  
渭水長安蒼雲數千萬疊卻依然一咲人間侶寢裏  
對青尊白髮秉燭燮闌 渺渺烟波無際喚扁舟欲  
去且與憑闌此別何如能消幾度陽關江南又聽夜  
雨怕梅花零落孤山歸最好甚人間猶自未閑

鳳凰臺上憶吹簫

趙主簿自號孤篷屬余賦之

水國浮家漁邨古隱浪游慣占花深猶記得琵琶半  
面曾識衫青不道江空歲晚桃葉渡還歎飄霈因乘  
興醉寢醒時卻是山陰 投閑勸呼儔侶竟棹入蘆  
花俗客難尋風渺渺雲拖暮雪獨釣寒清遠遡流光

萬里渾錯認片竹寰瀛元來是天上太乙真人

玉蝴蝶 玉繡毬花

留得一團和氣此花開後春已規圓虛白牖深恍訝  
碧落星懸颺芳叢低翻雪羽疑素艷爭簇冰蟾向西  
園幾回錯認明月秋千 欲覓生香何處盈盈一水  
空對嬋娟待折歸來倩誰偷解玉連環試結取鴛鴦  
餘帶好移傷鸚鵡珠簾晚階前落梅無數因甚唳鵑

三株媚 瓶中芙蓉杏

芙蓉城畔侶乍卸卻單衣茜羅重護傷水開時細看  
來渾似阮郎前度記得小樓聽一夜江南春雨寢醒



簫聲流水青蘋舊游何處 誰翦層芳深貯  
優洗盡長安半面塵土絕似桃根帶咲痕  
來伴柳枝嬌舞莫是孤村試與問酒家  
何處曾醉梢頭雙果園林未暑  
新雁過妝樓 梅影

近水橫斜先得月玉樓宛若籠紗  
散跡苔茵墨暈淨洗鉛華誤入羅浮  
身外癡似花又卻似非花探寒葩  
倩人醉裏扶過溪沙 竹籬幾番  
勑倚看乍無乍有如寄生涯  
愛好一枝時到素壁檐牙香深與  
春暗卻且休把江頭千樹誇  
東家女試酒妝顛倒難勝西家  
又

屋上青山青未了，淩虛試一憑闌。亂峰疊嶂無限古，色蒼寒正喜雲閑。雲又去，片雲未識我心閑。對昏巒底須謝屐，何用躋攀。三十六梯眺遠，任半空咲語飛落人間。賦筆吟箋，塵事竟不相關。朝來自然爽氣，霎好是秋屏宜晚看。塵寰裏有天開仙境，圖畫應難又菊花。

風雨不來深院悄，清事正滿東籬。杖藜重到秋風冉冉吹衣瘦。碧飄蕭搖露榭，膩黃秀野拂霜枝。憶芳時翠微喚酒，江雁初飛。湘潭無人弔古，歎落寞自采誰寄。相思淡泊，生涯聊伴老圃。斜暉寒香應徧，故里

想鶴怨空山人未歸歸何晚問徑松不語只有花知  
念奴嬌 陸性齋小蓬萊

海天縹緲算人間自有移來蓬島一粒粟中生倒景  
日月光融丹竈玉洞分春雪巢不夜心寂凝虛照鶴  
溪游處宵將琴劍同調 休問挂樹瓢空牕前清意  
羸得不除草只恐漁郎曾誤入翻被桃花一咲潤色  
茶經評量山水如此閑方好神仙縮地長房應未知  
道

又 客中寄友人

西秦劔旅是幾年不聽西湖風雨我把長鏡垂短髮

心事時看天語吟篋空隨征衣未換薜荔猶堪補山  
能招隱一瓢閑挂烟樹方嘆舊國人稀花間忽見  
傾蓋渾如故客裏不須談世事野老安知今古海上  
盟鷗門深款竹風月平分取陶然一醉此時愁在何  
處

又 月湧大江爲陸起潛賦

長流萬里與沈沈滄海平分一水孤白爭流蟾不沒  
影落潛虬驚起瑩玉懸秋綠房迎曉樓觀光疑洗紫  
簫聲嫋四檐吹下清氣遙睇浪擊空明古愁休問  
消長盈虛理風入蘆花歌忽斷知有漁舟閑艤露已

沾衣漚猶栖草一片瀟湘意人方酣寢長翁元自如  
此

又

遶枝勗鵲髻蕭蕭宵信如今猶客風雪客衣寒葉補  
一點燈花懸壁萬里舟車十年書劒此意青天識泛  
然身世故家休問清白 卻咲醉倒山翁石牀飛寢  
不入槐安國只恐溪山游未了莫嘆飄歸南北滾滾  
江橫嗚嗚歌罷渺渺情何極正無聊賴天風吹下孤  
笛

又 裏雪友

異鄉勅旅問扁舟東下歸期何日琴劍空隨身萬里  
天地誰非行客李杜飄零羊曇悲感回首俱陳迹羈  
裹難寫豆蟲吟破孤寂 柳外門掩疎陰佳人何處  
溪上蘋花白留得一方無用月隱隱山陽聞笛舊雨  
不來風流雲散惟有長相憶雁書休寄寸心分付梅  
驛

又 周靜鏡園池

萬塵自遠徑松存髮髯斜川深意烏石岡邊猶記得  
竹裏吟安一字暗葉禽幽虛堂荷近看薄遲花氣行  
行且止枯瓢枝上閑寄 不恨老卻流光可憐歸未

得翻恨流水落落嶺頭雲尙在一咲生涯如此樹老  
梅荒山孤人共隔浦船歸未劃然長嘯海天吹下空  
翠

又 賦梅用東坡赤壁韵

苔痕抱石透陽春挺挺林間英物隔水笛聲都未起  
斜日空明絕壁半樹籬邊一枝竹外冷豔淩蒼雪淡  
然相對萬花無此清傑 還念庾嶺幽情江南聊折  
贈行人應發寂寂西牖閑弄影深夜寒燈明滅且看  
方壺休簪短帽照見蕭蕭髮幾時歸去朗吟湖上香  
月

木蘭花慢

采芳洲薜荔流水外白鷗前度萬壑千巖浮嵐暝翠  
心目娟娟山川自今自古怕依然認得米家船明月  
閒延夜語落花靜擁春眠 吟邊象筆鸞牋清絕處  
小留連正寂寂江潭樹猶如此那更嗁鶻居廛閉門  
隱几好林泉都在卧游編記得當時舊事誤人卻是  
桃源

又 丹谷園

萬花深處隱安一點世塵無步翠麓幽尋白雲自在  
流水縈紆攜壺緩遊細賞倩何人重寫輞川圖遲日



香生草木淡風聲和琴書 安居歌引巾車童放鶴  
我知魚看靜裏閑中醒來醉後樂意偏殊桃株帶春  
去遠有園林如此更何如同回首丹光滿谷恍然卻是  
蓬壺

又 爲靜春賦

幽栖身嬾動遂庭宇日偏長甚不隱山林不喧車馬  
不斷生香澄心淡然止水咲東風引得落花忙慵對  
魚翻暗藻閑留鶯管垂楊 徜徉淨几明牖穿窈窕  
染芬芳看白鶴無聲蒼雲息影物外行藏桃源去塵  
更遠問當年何事識漁郎爭似重門晝掩自看生意

池塘

又 游張公洞

風雷開萬象散天影入虛壇看峭壁垂雲晴峰獻玉  
光洗琅玕青苔古痕暗裂映參差石乳倒懸山那得  
虛無幻境元來透出玄關 躋攀竟日忘還空翠滴  
逼衣寒想邃宇陰陰鑪存太乙難覓飛丹冷然洞靈  
去遠甚千年都不到人間見說尋真有路又須容我  
清閑

又

二分春到柳青未了路溲娑甚書劍飄零身猶是客

歲月頻過西湖故園在否怕東風今日落梅多抱瑟  
空行故道盟鷗頓冷清波 知麼老子狂歌心未歇  
鬢先皤歎敝卻貂裘驅車萬里風雪關河燈前恍疑  
寢醒好依然只著舊漁簑流水桃花漸暝酒船不去  
如何

又

二分春是雨采香徑綠陰鋪正私語晴蛙于飛晚燕  
閑掩紋疏流光慣欺病酒問楊花過了有花無唳鳩  
初聞院宇釣船猶繫菰蒲 林逋樹老山孤渾忘卻  
隱西湖歎扇底歌殘蕉間寢醒難寄中吳秋痕尙懸

鬢影見尊絲依舊也思鱸黏壁蝸涎幾許清風只在  
樵漁

又

錦街穿戲鼓聽鍗馬響春冰甚舞繡歌雲歡情未足  
早已收燈從今俊須勝賞步青青野色一枝藤落魄  
花間酒侶温存竹裏吟朋 休憎短髻鬢髻遊興嬾  
我何曾任蹴踏芳塵尋蕉覆鹿自咲無能清狂尙如  
舊否倚東風嘯詠古蘭陵十里梅香霽雪水邊樓觀  
先登

又

江南無賀老看萬壑出清冰想柳思周情長歌短詠  
密與傳燈山川潤分秀色稱醉揮健筆剡溪藤一語  
不談俗事幾人來結吟朋堪憎我髮鬢鬢頻賦曲  
舊時曾但春蚓秋螿寒籬晚砌頗嘆非能何如種瓜  
種秫帶一鋤歸去隱東陵野嘯天風兩耳翠微深處  
孫登

又 爲越僧樵隱賦樵山

龜峰深處隱巖壑靜萬塵空任一路白雲山童休掃  
卻似崆峒只恐爛柯人到怕光陰不與世間同旋采  
生枝帶葉微煎石鼎團龍從容吟嘯百年翁行藥

少扶筇向鏡水傳心柴桑袖手門掩清風如何晉人  
去後好林泉都在夕陽中禪外愛無今古醉歸明月  
干松

桂枝香 如心翁置酒桂花下

琴書半室向桂邊偶然一見秋色老樹香遲清露綴  
花疑滴山翁翻咲如泥醉咲生平無此狂逸晉人游  
處幽情付與酒尊吟筆 任蕭散披襟岸幘歎千古  
猶今休問何夕髮短霜濃知恐浩歌消得明年野客  
重來此探枝頭幾分消息望西樓遠西湖愛遠也尋

梅驛

水龍吟 寄袁竹初

幾番問竹平安雁書不盡相思字籬根半樹村深孤  
艇闌干屢倚遠草兼雲凍河膠雪此時行李望去程  
無數并州回首還又渡桑乾水 咲我曾游萬里甚  
匆匆倭成歸計江空歲晚棲遲猶在吳頭楚尾疎柳  
經寒斷槎浮月依然顛顛頓待相逢說與相思想亦在  
相思裏

齊天樂 章靜山別業

一牕烟雨連荒草移家靜藏深窈東壁圖書南山杞  
菊誰識幽居裏抱疎陰未掃歎喬木猶存易分殘照

慷慨悲歌故人多向近來少  
相逢何事欠早愛吟  
心共苦此意難表野水無鷗閑門斷柳不滿清風一  
咲荷衣製了待尋壑經邱遡雲孤嘯學取淵明抱琴  
歸去好

又 餞于壽道應舉

幾年槐市槐花冷天風又還吹起故篋重尋閑書再  
整猶記燈牕滋味渾如寢裏見說到如今早催行李  
快買扁舟第一橋邊趁流水 陽關須是醉酒柳條  
休要折爭似攀桂舊有家聲榮看世美方了平生英  
氣瓊林宴喜帶雪絮歸來滿庭春意事業方新大鵬



九萬里

又 遙岑對碧爲陸起潛賦

翠屏缺處添奇觀脩眉遠浮孤碧天影微茫烟痕黯  
澹不與千峰同色凭高望極向簾幙中間冷光流入  
料得吟僧數株松下坐蒼石 泉源猶是故迹煮茶  
曾詠古還記游歷調水符閑登山屐在卻倚闌干斜  
日輕陰易失看飄忽風雲晦明朝夕爲我飛來傷江  
橫峭壁

又 陸義齋壽日放舟遊吳

清時樂事中園賦怡情楚花湘草秀色通簾生香聚

酒修景常留池沼閑居自好奈車馬塵喧未教閑了  
把菊清游冷紅飛下洞庭曉 尋泉同步翠杏箋將  
秋共遠書畫船小款竹誰家盟鷗某水白月光涵圓  
嶠天浮浩渺稱綠髻飄飄遡風舒嘯緩築沙隄渭濱  
人未老

又 遷居

桃花零落玄都觀劉郎此情誰語髻髮蕭疎襟裏澹  
蕩空賦天涯羈旅離情萬縷第一是難招舊鷗今雨  
錦瑟年華寢中猶記艷游處 依依心事最苦片帆  
渾是月獨抱淒楚屋破容秋牀空對雨迷卻青門瓜

圃初荷未暑歎極目烟波又歌南浦燕忽歸來翠簾  
深幾許

又 仲賓子昂寫竹石枯木

老枝無著秋聲處蕭蕭勑聽風雨暗飲春腴欣榮晚  
節不載天河人去心存太古喜冰雪相看此君欲語  
共倚雲根歲寒羞并歲寒所 當年曾見漢館卷簾  
頻望對飛寢湘楚歎我重來何堪如此落葉空江無  
數盤桓屢舞似冉冉吹衣頗疑非霧素壁高堂晉人  
清幾許

憶舊游

寓毘陵有襄澄江舊友

咲銘崖筆勍訪雪舟寒覓里尋鄰半掩閑門草看長  
松落蔭舊榻懸塵自憐此來何事不爲憶鱸葦但回  
首當年芙蓉城裏勝友如雲 思君度遙夜漫疑是  
梅花檐下空巡蝶與周俱癡折一枝聊寄古意殊真  
渺然望極來雁傳與異鄉春尙記得行歌陽關西出  
無故人

又 寄友

記瓊筵卜夜花檻移春同惱鶯嬌暗水流花境正無  
風院落銀燭遲銷鬧枝淺壓髻髻香臉泛紅潮甚如  
此游情還將樂事輕趁冰綃 飄搖又成癡但長歌

嫋嫋柳色迢迢一葉江心冷望美人不見隔浦難招  
認得舊時鷗鷺重過月明橋遡萬里天風清聲漫憶  
何處簫

慶春宮 金粟洞天

蟾窟研霜蜂房點蠟一枝曾伴涼宵清氣初生丹心  
未折濃艷到此都消避風歸去貯金屋妝成漢嬌粟  
肌微潤和霧吹香直與秋高 小山舊隱重招記得  
相逢古道迢迢被酒長歌插花短舞誰在水國吹簫  
餘音何處看萬里星河動搖廣庭人散月淡天心鶴  
下銀橋

解連環 拜陳西麓墓

句章城郭問千年往事幾回歸  
鶴歎貞元朝士無多  
又日冷湖陰柳邊門鑰向北來時無處認江南  
花落縱荷衣未改病損茂陵總是離索  
山中故人去卻但碑寒峴首舊景如昨  
悵二喬空鎖春深正歌斷簾空草昏  
銅雀楚魄難招被萬疊閑雲迷著料猶是聽風聽雨  
朗吟夜壑

山中樓扁  
萬疊雲

一萼紅 紅梅

倚闌干問終華何事偷餌九還丹  
浣錦溪邊餐霞竹裏翠裏不倚天寒照芳樹  
晴光泛曉護么鳳無處認

冰顏露洗春腴風搖醉魄聽笛江南  
樹挂珊瑚冷  
月歎玉奴粧褪仙椽詩慳漫覓花雲不同梨癭推篷  
恍記孤山步夜雪前邨問酒幾消凝把做杏花看得  
似古桃流水不到人間

疎影

題賓月圖

雪空四楚照歸心萬里千峰獨立身與天游一洗襟  
裏海鏡倒湧秋白相逢嬾問盈虧事但脈脈此情無  
極是幾番飛蓋追隨桂底露香衣溼  
閑款樓臺夜  
色料水光未許人世先得影裏分明認得山河一咲  
亂山橫碧乾坤許大須容我渾忘了醉鄉猶客待倩

誰招下清風共結歲寒三益

霜葉飛 毘陵宅中聞老妓歌

繡屏開了驚詩癡嬌鸞唬破春悄穩將字譜轉清圓  
正杏梁聲遶看帖帖蛾眉淡埽不知能聚愁多少歎  
客裏淒涼尙記得當年雅音低唱還好 同是流落

殊鄉相逢何晚坐對眞被花惱貞元朝士已無多但  
荒烟衰草未忘得春風窈窕卻憐張緒如今老且慰  
我留連意莫說西湖那時蘇小

摸魚子 登陸起潛皆山樓

步高寒下觀浮遠清暉隔斷風雨醉魂誤入滁陽路



落莫不知何處闌屢拊又卻是秋城自有芙蓉主重  
游勸旅對萬壑千巖長江巨浪空翠灑衣屨景如  
許都被樓臺占取晴嵐映靄朝暮乾坤靜裏閑居賦  
評泊水經茶譜留勝侶愛底用林泉曳杖尋桑苧休  
休訪古看排闥青來書床嘯咏莫向惠峰去

又 寓澄江喜魏叔皋至

想西湖斷橋疏樹梅花多是風雨如今見說閑雲散  
烟水少逢鷗鷺歸未許又款竹誰家遠思愁徐庾重  
游勸旅縱認得鄉山長江滾滾隔浦正延伫垂楊  
渡握手荒城舊侶不知來自何處春胸翦韭青燈夜

白雲  
疑與寢中相語，欄屢拊甚。轉眼流光，短髮真堪數。從教醉舞，試借地看花，揮毫賦雪。孤艇且休去。

又 別陸處梅

向天涯水流雲散，依依往事非舊。西湖見說鷗飛去，知有海翁來否。風雨後甚客裏，逢春尙記花間酒。空嗟皓首對茂苑，殘紅攜歌占地相趁。小垂手。歸時候花徑青紅，尙有好游何事。詩瘦龜蒙未宥，尋幽興曾戀志和。漁叟吟嘯久，愛如此清奇。歲晚忘年友呼。船渡口欲西出，陽關故人何處。愁在渭城柳。

又 春雪客中寄友

又孤吟灞橋深雪千山絕盡飛鳥梅花也著東風咲  
一夜瘦添多少春悄悄正斷寢愁詩忘卻池塘草前  
邨路杳看堊水流冰舟閑渡口何必見安道 慵登  
眺脈脈霏霏才了寒威猶自清峭終須幾日開晴去  
無奈此時裏抱空懊惱料酒興歌情未宥隨人老惜  
花起早拚醉裏忘歸接羅衲好一咲任傾倒

莫與山中相... 散... 且休去  
... 無奈何... 空對... 未宜... 人...  
... 湘... 雲... 木... 有... 寒... 自... 自... 自... 自...  
... 香... 空... 木... 將... 水... 良... 關... 新... 日... 時... 必... 具... 安... 後...  
... 山... 中... 白... 雲... 詞... 補... 上... 天... 山... 嶽... 盡... 無... 息... 辭... 亦... 出... 舊... 東... 風... 知...

山中白雲詞補下

雙白詞八

宋 西秦 張炎 叔夏

滿江紅 己酉春日

老子今年多準備吟箋賦筆還自喜錦囊添富頓非  
疇昔書冊琴棋清隊仗雲山水竹閑蹤跡任醉筇游  
屐過平生千年客 回首寢東隅失乘興去桑榆得  
且怡然一咲探梅消息天下神仙何處有神仙只向  
人間覓折梅花橫挂酒壺歸白鷗識

又

江上相逢愛秉燭渾疑寢裏寂寞久琴絃塵斷爲君

重理紫綬金章都莫問醉中聊送挪揄鬼看滿頭白  
雪恐難消春風起 雲一片身千里漂泊地東西水  
算十年不見我生能幾慷慨悲歌驚淚落古人未必  
皆如此想今人愁似古人多如何是

惜紅衣 贈妓雙波

兩翦秋痕平分水影炯然冰潔未識新愁眉心倩人  
貼無端醉裏通一咲柔花盈睫癡絕不解送情倚銀  
屏斜瞥 長歌短舞換羽移宮飄飄步回雪扶嬌倚  
扇欲把艷懷說爲語杜郎重到只慮空江桃葉但數  
峰猶在如傷那家風月

一枝春 爲陸浩齋賦梅

竹外橫枝竝闌干試數風纔一信么禽對語彷彿醉  
眠初醒遙知是雪甚都把暮寒消盡清姿潤明月飛  
來瘦卻舊時疎影 東閣漫撩詩興料西湖樹老難  
認和靖晴牕自好勝事每來獨領融融向暝咲塵世  
萬花猶冷須釀成一點春腴暗香在鼎

玉漏遲

竹多塵自埽幽通徑曲禪房深窈空翠吹衣坐對閑  
雲舒嘯寒木猶懸故葉又過了一番殘照經院悄詩  
寢正迷獨憐衰草 幽趣盡屬閑僧渾未識人間落

白雲  
四日  
花嘯鳥呼酒凭高莫問四愁三咲可惜秦山晉水甚  
卻向此時登眺清致少那愛好游人老

祝英臺近 寄陳直卿

路重尋門半掩苔老舊時樹采藥雲深童子愛無語  
恠它流水迢迢湖天日暮想只在蘆花多處 漫延  
仁姓名題上芭蕉涼夜未風雨賦了秋聲還賦斷腸  
句幾回獨立長橋扁舟欲喚待招取白鷗歸去

漁歌子

丁卯灣頭屋數間放船收盡一溪山聊適興且怡顏  
問天難買是真閑



江城子 題橫空樓

下臨無地手捫天上雲煙俯山川棲止危巢不隔道  
林禪坐處清高風雨隔全萬境一壺懸 我來直欲  
挾飛仙海爲田是何年如此江山嘯咏白鷗前老樹  
無根雲懵懂憑寄語米家船

憶王孫 謝安碁墅

爭碁賭墅意欣然心似游絲颺碧天只爲當時一著  
先咲苻堅百萬軍聲屐齒前

如寢令

隱隱烟痕輕注拂拂暗香微度十二小紅闌人與玉

白雲  
四日  
簫何處歸去歸去醉插一枝風露

又

苔徑獨行清晝瑟瑟松風如舊出岫本無心遲種門  
前楊柳回首回首籬下白衣來否

采桑子 子母猿

山人去後知何處風月清虛來往無拘戲引兒孫樂  
有餘懸厓挂樹如相語常守枯株久與人疎閒了  
當年一卷書

清平樂

暗香千樹結屋中間住明月一方流水護寢入梨雲

深處 清冰隔斷塵埃無人蹋碎蒼苔一自逋仙歸  
後吟詩不下山來

又

黑雲飛起夜月啼湘鬼魂返雲根無二紙千古不隨  
流水 薌心淡染清華似花還似非花要與閑梅相  
處孤山山下人家

又 平原牧馬

轡搖銜鋏蹴蹋平原雪勇趁軍聲曾汗血閑過昇平  
時節 茸茸春草天涯涓涓野水晴沙多少驂騮老  
去至今猶困鹽車

又 題勸耕圖

一犁初卸息影斜陽下角上漢書何不挂老子近來  
慵跨 烟邨草樹離離卧看流水忘歸莫歛山中清  
味怕教洗耳人知

又

采芳人杳頓覺游情少客裏看春多草草總被詩愁  
分了 去年燕子天涯今年燕子誰家三月休聽夜  
雨如今不是催花

又 題墨仙雙清圖

丹邱瑤草不許秋風掃記得對花曾被惱猶似前時

春好 湘皋閑立雙清相看波冷無聲獨說長生未  
老不知老卻梅兄

又 題畫蘭

三花一葉比似前時別烟水茫茫無處說冷卻西湖  
風月 貞芳只合深山紅塵了不相關留得許多清  
影幽香不到人間

又 題平沙落雁圖

平沙流水葉老蘆花未落雁無聲還有字一片瀟湘  
古意 扁舟記得幽尋相尋只在寒林莫趁春風飛  
去玉關夜雪猶深

阮郎歸 有懷北游

鈿車驕馬錦相連  
香塵逐管弦  
瞥然飛過水秋千  
清明寒食天  
花貼貼柳懸懸  
鶯房幾醉眠  
醉中不信有  
嗁鶻江南二十年

朝中措

清明時節雨聲譁  
潮擁渡頭沙  
翻被梨花冷看人生  
苦戀天涯  
燕簾鷺戶雲牖霧閣  
酒醒嗁鴉折得一  
枝楊柳歸來插向誰家

燭影搖紅 畲邵素心

隔水呼舟采香何處  
追遊好一年春事二分  
花猶有

花多少 容易繁華過了趁園林飛紅未埽舊醒新  
醉幾日不來綠陰芳草

柳梢青 清明夜雪

一夜凝寒忽成瓊樹換卻繁華因甚春深片紅不到  
綠水人家 眼驚白晝天涯空望斷塵香鈿車獨立  
東風曲闌惆悵莫是梨花

西江月 題周公謹絕妙好詞

花氣烘人尙暝珠光出海猶寒如今賀老見應難解  
道江南腸斷 漫擊銅壺浩歎空存錦瑟誰彈莊生  
蝴蝶寢春還簾外一聲鶯喚

又 墨水仙二首

縹緲波明洛浦依稀玉立湘皋獨將蘭蕙入離騷不  
識山中瑤草 月照英翹楚楚江空醉魄陶陶猶疑  
顏色尙清高一咲出門春老

落落奇葩未吐離離瑤草偏幽蓬山元自不知秋卻  
咲人間春瘦 瀟灑寒冰塵尾玲瓏潤玉搔頭半牖  
晴日水痕收不怕杜鵑唬後

端正好 賦疎杏

湘羅幾翦拈新巧似過雨臙脂全少不教枝上春痕  
鬧都被海棠分了 帶柳色愁眉暗惱漫遙指孤邨



路杳深巷明朝休起早空等賣花人到

浪淘沙 秋江

萬里一飛篷吟老丹楓潮生潮落海門東三兩點鷗  
沙外月閑意誰同 一色與天通絕去塵紅漁歌忽  
斷荻花風烟水自流心不競長笛霜空

又 許由擲瓢

拂袖入山阿深隱松蘿掬流洗耳厭塵多石上一般  
清意味不羨漁簑 日月靜中過俗慮消磨風瓢分  
付與清波卻咲唐求因底事不奈詩何

又

寒食不多時，燕燕才歸。杏花零落水痕肥。淺碧分山初過雨，一霎晴暉。閒折小桃枝，蝶也相隨。晚妝不  
合整蛾眉。驀忽思量，張敞畫又被愁知。

又 墨水仙

回雪欲婆娑，淡埽修蛾。盈盈不語奈情何。應恨梅兄  
礬弟，遠雲隔山阿。弱水夜寒多，帶月曾過羽衣飛。  
過染餘波，白鶴難招，歸未得天濶星河。

又

玉立水雲鄉，爾我相忘。披離寒雨庇風霜，不趁日鷗  
游海上，靜看魚忙。應咲我淒涼，客路何長。猶將孤

影侶斜陽花底鵲行無認處卻對秋塘

鷓鴣天

樓上誰將玉笛吹山前水濶暝雲低勞勞燕子人千里  
落落梨花雨一枝修禊節賣餠時故鄉惟有寢  
相隨夜來折得江頭柳不是蘇隄也皺眉

虞美人 題陳公明藏冊

黃金誰解教歌舞留得當時譜斷情殘意落人間漢  
上行雲迷卻舊巫山妝樓何處尋樊素空誤周郎  
顧一簾秋雨翦燈看無限羈愁分付玉笙寒

南鄉子

風月似孤山千樹斜橫水一環天與清香心獨領怡  
顏冰雪中間屋數間庭戶隔塵寰自有雲封底用  
關卻咲桃源深處隱躋攀引得漁翁見不難

又 杜陵醉歸

晴野事春游老去尋詩苦未休一似浣花溪上路清  
幽烟草纖纖水自流何處偶遲留猶未忘情是酒  
籌童子策驢人已醉知不醉裏眉橫萬疊愁

又 竹居

愛此碧相依卜築西園隱逸時三徑成陰門可款幽  
栖蒼雪紛紛冷不飛青眼舊心知瘦節終堪歲晚

期人在清風來往處吟詩愛好梅花看一枝

踏莎行

柳未三眠風纔一信催人步履吹笙徑可曾中酒似  
當時如今都是看花病老願春遲愁嫌晝靜秋千  
院落寒猶剩捲簾休問海棠開相傳燕子歸來近

又 盧仝啜茶

清氣厓陰斜陽木末松風泉水聲相會光浮椀面啜  
先春何須美酒吳姬壓頭上烏巾髻邊白髮數間  
破屋從蕪沒山中自有玉川人相思一夜梅花發

又 詠湯

瑤草收香琪花采汞冰輪碾處芳塵動竹鑪湯煨火  
初紅玉織調罷歌聲送 麾去茶經襲藏酒頌一杯  
清味佳賓共從來采藥得長生藍橋休被瓊漿弄

唐多令 送韓竹澗歸杭

一見又天涯人生可歎嗟想難忘江上琵琶詩酒一  
瓢風雨外都莫問是誰家 憐我髯先華何愁歸路  
賒向西湖重隱烟霞說與山童休放鶴最零落是梅  
花

又

雲冷未全開簷冰雨泣苔入花根暝意先回一夜綠

房迎曉白空憶徧嶺頭梅  
如幻舊情裏尋春上吹  
臺正泥深十二香街且問謝家池畔草春必定幾時  
來

又 襄西湖

湖上景消磨飄霈有寢過問隄邊春事如何可是而  
今張緒老見說道柳無多  
客裏醉時過尋思安樂  
窩買扁舟重緝漁簑欲趁桃花流水去又卻怕有風  
波

又 送杭友

聚首不多時扁舟又別離有黃金應鑄相思折得梅

花先寄我山正在裏湖西  
風雪脆荷衣休教鷗鷺  
知惜絲絲猶混塵泥何日束書歸舊隱還只怕種瓜  
遲

臨江仙 墨水仙

翦翦春冰生萬壑和春帶出芳叢誰分弱水洗塵紅  
低回金鑿落約略玉玲瓏 昨夜洞庭雲一片朗吟  
飛過天風戲將瑤草散虛空靈根何處覓只在此山  
中

蝶戀花

飲杏花下作

仙子勸雲親手種春闌枝頭消得微霜凍可是東風



吹不動金鈴懸網珊瑚重 社燕盟鷗詩酒共未足  
游情剛把斜陽送今夜定應歸去寢青蘋流水簫聲  
美

又

賦艾花

巧結分枝黏翠艾翦翦香痕細把泥金界小簇葵榴  
芳錦隘紅妝人見應須愛 午鏡將拈開鳳蓋倚醉  
凝嬌欲戴還慵戴約臂猶餘朱索在梢頭添挂朱符  
袋

漁家傲

門掩新陰孤館靜楊花卻解來相趁幾日方知因酒

病無憀甚脫巾挂壁將書枕  
見說落紅堆滿徑不知何處游人盛  
自咲扁舟猶未定清和近尋詩已約  
蘭陵令

又

辛苦移家聊處靜埽除花徑歌聲趁也  
學維摩閑去病迂疎甚松風兩耳和衣枕  
頗倦扶筇尋捷徑東墻藹藹紅香盛  
少待搖人波自定蓬壺近且呼白鶴  
招韓令

風入松 賦稼村

老來學圃樂年華  
茆屋短籬遮  
兒孫戲逐田翁去  
小

橋橫路轉三義細雨一犁春意西風萬寶生涯攜  
筇猶說渡晴沙流水帶寒鴉門前少得寬閒地遶平  
疇盡是桑麻卻咲牧童遙指杏花深處人家

又聽琴中彈樵歌

松風掩晝隱深清流水自泠泠一從柯爛歸來後愛  
絃聲不愛枰聲頗咲山中散木翻憐爨下勞薪透  
雲遠響正丁丁孤鳳劃然鳴疑行嶺上千秋雪語高  
寒相應何人回首愛無尋處一江風雨潮生

又爲山邨賦

晴嵐暝翠護烟霞喬木晉人家幽居只恐歸圖畫喚

樵青多種桑麻門掩推敲古意泉分冷淡生涯無  
邊風月樂年華留客可茶瓜任它車馬雖嫌僻咲喧  
喧流水寒雅小隱正宜深靜休栽湖上梅花

又 閏元宵

向人圓月轉分明簫鼓又逢迎風吹不老蛾兒鬧繞  
玉梅猶戀香心報道依然放夜何妨款曲行春錦  
燈重見麗繁星水影動梨雲今朝準擬花前醉奈今  
宵別是光陰簾底聽人咲語莫教遲了梅青

又 與王彥常游會仙亭

愛間能有幾人來松下獨徘徊清虛冷淡神仙事咲

名場多少塵埃漱齒石邊危坐洗心亭裏舒裏  
劃然長嘯白雲堆  
愛待月明陪一瓢春水山中飲喜無  
人踏破蒼苔開了桃花半樹此游不是天台

又 酌惠山泉

一瓢飲水曲肱眠此樂不知年今朝忽上龍峯頂卻  
元來有此甘泉洗卻平生塵土慵游萬里山川  
照人如鏡止如淵古竇暗涓涓當時桑苎今何在想松  
風吹斷茶烟著我白雲堆裏安知不是神仙

右詞一首  
百四首

謹遵  
御選歷代詩餘補錄

甘州 餞周草牂西歸

記天風飛珮紫霞邊  
顧曲萬花深怪相如遊劔杜陵  
愁老還歎飄霈短寢恍然今昔故國十年心回首三  
三徑松竹成陰 不恨片帆南浦只恨翦燈聽雨誰  
伴孤吟料瘦筇歸後閑鎖北山雲是幾番柳邊行色  
是幾番同醉古園林烟波遠筆牀茶竈何處逢君右一

首從絕妙  
好詞補錄

月下笛 孤游萬竹山中間門落葉愁思黯然因動  
黍離之感時寓甬東積翠山舍

孤雲萬里清游漸遠故人何處寒牖寢裏猶記經行  
舊時路連昌約畧無多柳第一是難聽夜雨謾驚回

淒悄相看竹影擁衾誰語 張緒歸何暮半零落依

依斷橋鷗鷺天涯勦旅此時心事良苦只愁重洒西  
州淚問杜曲人家在否正翠袖天寒又倚梅花那樹

右一首從  
詞綜補錄

臺城路 歸杭

當年不信江湖老如今歲華驚晚路改家迷花空蔭  
落誰識重來劉阮殊鄉頓遠甚猶帶羈囊雁淒蒼怨  
寢裏忘歸亂浦烟浪片帆轉 閑門休歎故苑杖藜  
游冶處蕭艾都遍雨色雲西晴光水北一洗悠然心  
眼行行漸嬾快料理幽尋酒瓢詩卷賴有湖邊舊時

鷗數點

右一首從詞源補錄

山中白雲詞補下



跋

歌曲特文人餘事耳或者少諧音律白石留心學古  
有志雅樂如會要所載奉常所錄未能盡見也聲文  
之美槩具此編嘉泰壬戌刻於雲間之東巖其家轉  
徙自隨珍藏者五十載淳祐辛亥復歸嘉禾郡齋千  
歲令威夫豈偶然因筆之以識歲月端午日菊坡趙  
與峕書

至正十年歲在庚寅正月望日如葉君居仲本于錢  
唐之用拙幽居旣畢因以識其後云天台陶宗儀九  
成

此書俾他人抄錄故多有誤字今將善本勘讐方可人意後十一年庚子夏四月也

白石道人集余所見凡四汲古閣六十家詞本哀輯最略洪氏及陸氏二本皆詩詞合刻陸氏以陶南村寫本付梓獨稱完善卽爲祠堂本所從出辛巳歲首合刻雙白詞集此詞卽遵用陸本而去其饒歌琴曲以意主刻詞固非與陸異也三月旣望刻工就竣識其校勘之略如右臨桂王鵬運書于四印齋

玉田生系出朱邱遭逢不偶遺行不少概見今讀詞  
集觀其紀地紀時而出處歲月宛然在目如末卷所  
賦風入松自識爲至大庚戌作賦臨江仙又云甲寅  
秋寓吳時年六十有七則此甲寅實元仁宗延祐元  
年也由此知宋理宗淳祐戊申爲玉田生始生之歲  
第宋史載張循王有五子琦厚顏正仁玉田生出誰  
後惜無攷耳若舒序所稱北游燕薊蓋在少壯時迨  
至元庚寅始返江南而年已四十餘矣其先雖出鳳  
翔然居臨安久故游天台明州山陰平江義興諸地  
皆稱寓稱客而於吾杭必言歸感嘆故園荒蕪之作

凡三四見又安得謂之秦人乎吾鄉詞人自周清真  
知名北宋其後與玉田生同時者惟仇山村爲工他  
若避俗翁句曲外史亦有足觀惜皆流傳無幾獨山  
中白雲得陶井兩君後先藏護竹垞庸亭傳寫於今  
幸而不至散軼余得借以鏤板嗚呼豈偶然哉錢塘

龔翔麟

樂咲翁淵源家學究心律呂且值銅駝荆棘之時弔  
古傷今長歌當哭山中白雲詞直與白石老仙方駕  
論者謂詞之姜張詩之李杜不誣也嘗欲合白石白  
雲爲雙白詞之刻顧白石道人詞集傳本尙夥山中  
白雲詞雖一刻于龔翔麟再刻于曹炳曾皆迄未之  
見客臘端木子疇年丈從金陵故人家覓得抄本二  
卷與四庫全書總目及三朝詞綜所云卷數皆不  
合雖首尾完善而序跋缺如不知據何本遂抄中間  
字句以近今選本校之亦多歧異或亦舊傳之別本  
也抄本爲詞一百五十首復廣爲摻輯又得詞一百

七首爲補錄二卷附後不知于足本何如然視白石  
詞則三倍之矣至訂譌補缺當再覓全集校讎特欲  
爲倚聲家先覩之快故不辭疎漏遽付剞劂云辛巳  
寒食日臨桂王鵬運吟皋識

山中白雲初

續補

戊子燕九許玉璫



萬壽無疆  
長生不老  
福祿壽喜

壽  
長  
福

山  
平  
日  
子  
所





山中白雲詞續補

自余雙白詞刻出仁和許君邁孫以此詞尙非足本爲重翻龔刻南中書賈復得曹氏舊板整比印行余刻最劣下藉以訂譌補缺復爲完書特顛倒凌襍殊失舊觀耳原本八卷詞二百九十六闕雙白詞所刻少四十闕爲續補附後編次旣失龔氏之舊鉛槧復遜許氏之精然二本之出實余刻爲之嚆矢雖率爾操觚未始無功於樂咲翁也陸氏詞旨淵源具在龔氏集序考證爲詳併爲附入以資觀覽云光緒丁亥冬日臨桂王鵬運誌

瑤臺聚八仙 爲野舟賦

帶雨春潮人不渡沙外曉色迢迢自橫深靜誰見隔  
柳停橈知我知魚未是樂轉篷間趁白鷗招任風飄  
夜來酒醒何處江皋 泛宅浮家更好度菰蒲影裏  
濯足吹簫坐閱千帆空競萬里波濤他年五湖訪隱  
第一是吳淞第四橋立眞子共遊煙水人月俱高

聲聲慢 賦漁隱

門當竹徑鷺管苔磯煙波自有閒人棹入孤村落照  
正滿寒汀桃花遠迷洞口想如今方信無秦醉夢醒  
向滄浪容與淨濯蘭纓 欸乃一聲歸去對筆牀茶

竈寄傲幽情雨笠風蓑古意謾說立真知魚淡然自  
樂釣清名空在絲綸笑未已笑嚴陵還笑渭濱

甘州

賦衆芳所在

看涓涓兩水自東西中有百花莊步交枝逕裏簾分  
晝影窗聚春香依約誰教鸚鵡列屋帶垂楊方喜閒  
居好翻爲詩忙多少周情柳思向一丘一壑留戀  
年光又何心逐鹿蕉夢正錢塘且休將扇塵輕障萬  
山深不是舊河陽無人識牡丹開處重見韓湘

戀繡衾

代題武桂卿扇

一枝涼玉欹路塵下瑤臺疑是夢雲怕趁取西風去

被何人拈住皺裙 溫柔只在秋波裏這些兒真箇  
動心再同飲花前酒莫都忘今夜夜深

甘州 題戚五雲雲山圖

過千巖萬壑古蓬萊招隱竟忘還想乾坤清氣霏霏  
冉冉却在闌干洞戶來時不鎖歸水映花關只可自  
怡悅持寄應難 狂客如今何處甚酒船去後煙水  
空寒正黃塵沒馬林下一身閒幾消凝此圖誰畫細  
看來元不是終南無心好休教出岫只在深山

小重山 賦雲屋

清氣飛來望似空數椽何用草膝堪容捲將一片當

簾櫳難持贈只在此山中  
魚影倦隨風無心成雨  
意又西東都緣窗戶自玲瓏  
江楓外不隔夜深鐘

滿江紅 贈韞玉傳奇惟吳中子弟爲第一

傅粉何郎比玉樹璫枝謾誇看□□東塗西抹笑語  
浮華蝴蝶一生花裏活似花還似恐非花最可人嬌  
豔正芳年如破瓜 離別□生嘆嗟歡情事起喧嘩  
聽歌喉清潤片玉無瑕洗盡人間笙笛耳賞音多向  
王侯家好思量都在步蓮中裙翠遮

聲聲慢 和韓竹間韻贈歌者關關在兩水居

鬢絲溼霧扇錦翻桃尊前乍識歐蘇賦筆吟牋光動

萬顆驪珠英英歲華未老怨歌長空擊銅壺細看取  
有飄然清氣自與塵疎 兩水猶存三徑嘆綠窗窈  
窕謾長新蒲茂苑扁舟底事夜雨江湖當年柳枝放  
却又不知樊素何如向醉裏暗傳香還記也無

如夢令

題漁樂圖

不是蕭湘風雨不是洞庭煙樹醉倒

一作到

古乾坤人

在孤篷來處休去休去見說桃源無路

瑤臺聚八仙

爲焦雲隱賦

春樹江頭

一作東

吟正遠清氣竟入崆峒問余栖處只

在縹緲山中此去山中何所有芰荷製了集芙蓉且

扶筇倦遊萬里獨對青松 行藏也須在我笑晉人  
爲菊出岫方濃淡然無心古意且許誰同飛符夜深  
潤物自呼起蒼龍雨太空舒還卷看滿樓依舊霽日  
光風

又 詠鴛鴦菊

老圃堪嗟深夜雨紫英猶傲霜華暖宿籬根飛去想  
怯寒沙采摘浮杯如戲水晚香淡似夜來些背風斜  
翠苔徑裏描繡人誇 白頭共開笑口看試妝滿插  
雲髻雙了蝶也休愁不是舊日疎葩連枝願爲比翼  
問因甚寒城獨自花悠然意對九江正色還醉陶家

蝶戀花 題末色褚仲良寫真

濟楚衣裳眉目秀活脫梨園子弟家聲舊  
譚砌隨機開笑口筵前戲諫從來有  
夏玉敲金裁錦繡引得傳情惱得嬌娥瘦  
離合悲歡成正偶明珠一顆盤中走

甘州 爲小玉賦梅并柬韓竹間

見梅花斜倚竹籬邊休道北枝寒翠袖情隨眼  
盼愁接眉彎一串歌珠清潤綰結玉連環  
蘇小無尋處元在人間  
何事淒涼蚓竅向尊前一笑歌倒狂瀾嘆  
從來古雅欲覓賞音難有如此和聲軟語甚韓湘風



雪度藍關君知否挽櫻評柳却是香山

壺中天 送趙壽父歸慶元

奚囊謝屐向芙蓉城下口口遊歷一作息江上沙鷗何

所似白髮飄飄行一作閒客曠海一作楚乘風長波垂釣

欲把珊瑚拂近來楊柳却憐渾是秋色日暮空想

佳人楚芳難贈煙水分明隔老病孤舟天地裏惟有

歌聲消得一作沒故國荒城斜陽古道可奈花狼籍他

時一笑似曾何處相識

臨江仙 太白挂巾手卷

憶得沈香歌斷後深宮客夢迢迢硯池殘墨濺花妖

青山人獨自早不侶漁樵  
石壁蒼寒巾尚挂松風  
頂上飄飄神仙那肯混塵囂  
詩魂元在此空向水中  
招

蝶戀花 邵平種瓜

秦地瓜分侯已故不學淵明種秫  
辭歸去薄有田園  
還種取養成碧玉甘如許  
卜隱青門真得趣蕙帳  
空閒鶴怨來何暮莫說蝸名催及  
戍長安城下鋤煙  
雨

浣溪紗 雙筍

空色莊嚴玉版師  
老斑遮護錦綳兒  
只愁一夜被風

吹潤處似沾箕谷雨斫來如帶渭川泥從空托出  
鎮帷犀

滿江紅

近日衰遲但隨分蝸涎自足底須共紅塵爭道頓一作

就荒松菊壯志已荒圯上履正音恐是溝中木又安

知幕下有詞人歸心速書尙在憐魚腹珠何處驚

魚目且依然詩思灞橋人獨不用回頭看墮甌不愁  
抱石疑非玉忽一聲長嘯出山來黃梁熟

水調歌頭 寄王信父

白髮已如此歲序更駸駸化幾消息莊生天籟雍門

琴頗笑論文說劍休問高車駟馬袞袞口黃金螿在  
元無夢水競不流心絕交書招隱操惡圓箴世塵  
空擾脫巾挂壁且松陰誰對紫微閣下我對白蘋洲  
畔朝市與山林不用一錢買風月短長吟

采桑子

西園冷罨秋千索雨透花嚙雨過花皺近覺江南無  
好春杜郎不恨尋芳晚夢裏行雲陌上行塵最是  
多愁老得人

浣溪紗

艾納香消火未殘便能晴去不多寒治遊天氣却身

閒帶雨移花渾懶看應時插柳日須攀最堪惆悵  
是東闌

臨江仙 懷辰州教授趙學舟

一點白鷗何處去半江潮落沙虛淡黃柳上月痕初  
遐觀情悄悄凝想步徐徐 每一相思千里夢十年  
有此相疎休休寄雁問何如如何休寄雁難寫絕交  
書

謁金門

晚晴薄一片杏花零落縱是東風渾未惡二分春過  
却可怪寒生池閣下了重重簾幙忽見舊巢還是

錯燕歸何處着

長亭怨 別陳行之

跨匹馬東瀛煙樹轉首十年旅愁無數此日重逢故人猶記舊遊否兩今雲古更秉燭渾疑夢語袞袞登臺嘆野老白頭如許歸去問當初鷗鷺幾度西湖霜露漂流最苦便一似斷蓬飛絮情可恨獨棹扁舟浩歌向清風來處有多少相思都在一聲南浦

踏莎行 跋伯時弟撫松寄傲詩集

水落槎枯田荒玉碎夜闌秉燭驚相對故家文物已無傳一燈却照清江外  
色展天機光搖海貝錦囊

日月奚童背重逢何處撫孤松共吟風月西湖醉

聲聲慢 重過垂虹

口聲短棹柳色長條無花但覺風香萬境天開逸興  
縱我清狂白鷗更閒似我趁平蕪飛過斜陽重嘆息  
却如何不口夢裏黃梁 一自三高非舊把詩囊酒  
具千古淒涼近日煙波樂事盡逐漁忙山橫洞庭夜  
月似瀟湘不似瀟湘歸未得數清遊多在水鄉

清平樂 贈雲麓麓道人

口口不了都被紅塵老一粒粟中休道好弱水竟通  
蓬島 孤雲漂泊難尋如今却在口口莫趁清風出

岫此中方是無心

思佳客 題周草窗武林舊事

夢裏瞢騰說夢華鶯鶯燕燕已天涯蕉中覆處應無  
鹿漢上從來不見花 今古事古今嗟西湖流水響  
琵琶銅駝煙雨棲芳草休向江南問故家

清平樂 別苗仲通

柳間花外日日離人淚憶得樓心和月醉落葉與愁  
俱碎 如今一笑吳中眼青猶認衰翁先泛扁舟煙  
水西湖多定相逢

又 過金桂軒墳園



□□晴樹寒食無風雨記得當時遊冶處桂底一身  
香露 神仙只在蓬萊不知白鶴飛來乘興飄然歸  
去嗔人踏破蒼苔

風入松 久別會心傳近會於竹林清話歡未足而  
離歌發情如之何因作此解時至大庚戌七月也  
滿頭風雪昔同遊同載月明舟回來又續西湖夢繞  
江南那處無愁贏得如今老大依然只是飄流 故  
人剪燭對花謳不記此身浮征衣冷落荷衣暖徑雖  
荒也合歸休明□□□煙水相思却在并州

漁歌子 張志和與余同姓而意趣亦不相遠庚戌

春自陽羨牧溪放舟過罨畫溪作漁歌子十解述  
古調也

□卯灣頭屋數間放船收盡一溪山聊適興且怡顏  
問天難買是真間

此闕已見前

□□□□□溪流緊繫籬邊一葉舟沽酒去閉門休  
從此清閒不屬鷗

□□□□□白雲多童子貪眠枕綠蓑莞爾笑浩然歌  
柰此蕭蕭落葉何

□□□□□半樹梅捲簾一色玉蓬萊宜嘯詠莫徘徊  
乘興扁舟好去來

□□□□□子同更無人說老漁翁來往事有無中  
却恐桃源自此通

□□□□□求魚釣不得魚還自如塵事遠世人疎  
何須更寫絕交書

□□□□□濯塵纓嚴瀨磻溪有重輕多少事古今情  
今人當似古人清

□□□□□浮家篷底光陰鬢未華停短棹濛平沙  
流來恐是杏壇花

□□□□□孤村路隔塵寰水到門斜照散遠雲昏  
白鷺飛來老樹根

□□□年酒半酣知魚知我靜中叅峯六六徑三三  
此懷難與俗人談

海甯吳子律

衡照

蓮子居詞話云張叔夏題會心傳

藏温日觀墨蒲萄畫卷詞山中白雲失載曾與叔夏  
交最深集中故多寄贈之作温號知歸子宋末僧也  
詞云想不勞添竹引龍鬚斷梗忽傳芳記珠懸潤碧  
飄飄秋影曾印禪牕詩外片雲落莫錯認是花光無  
色空塵眼霧老烟荒一翦靜中生意任前看冷淡真  
味深長有清風如許吹斷萬紅香且休教夜深人見  
怕誤他看月上銀床凝眸久却愁捲去難博西涼係  
甘州調叔夏亦工水仙當時謂得趙子固瀟灑之致  
按子律此則雖未詳詞所自出然細審意境實非叔

夏莫辦余曩編白雲詞補曾於詞源錢良祐跋得齊  
天樂一闕附刊卷末今復錄此以殿續補亦墨緣快  
事也戊子首夏半塘老人王鵬運再識

詞旨

元 陸輔之 述

夫詞亦難言矣正取近雅而又不遠俗予從樂笑翁遊深達奧旨製度所法因從其言命韶暫作詞旨語近而明法簡而要俾初學易于入室云陸輔之識

詞說

命意貴遠用字貴便造語貴新煉字貴響古人詩有翻案法詞亦然詞不用雕刻刻則傷氣務在自然周清真之典麗姜白石之騷雅史梅溪之句法吳夢窗

之字面取四家之所長去四家之所短此翁之要訣  
學者所謂刻鵠不成尙類鶩者也不可與俗人言可  
與知者道對句好可得起句好難得收拾全藉出場  
凡觀詞須先識古今體製雅俗脫出宿生塵腐氣然  
後知此語咀嚼有味蘄王孫韓鑄字亦顏雅有才思  
嘗學詞於樂笑翁一旦與周公瑾父買舟西湖泊荷  
花而飲酒半公瑾父舉似亦顏學詞之意翁指花云  
蓮子結成花自落

詞云清空二字亦一生受用不盡指迷之妙盡在是  
矣學者必在心傳耳傳以心會當有悟入處然須跳



出窠白外時出新意自成一家若屋下架屋則爲人之賤僕矣

製詞須布製停勻血脉貫穿過片不可斷意如常山之蛇救首救尾沈伯時樂府指迷多有好處中間一兩段亦非詞家之語

屬對

小雨分山斷雲籠月

田不伐採春

烟橫山腹鴈點秋容

吳叔

聲聲

問竹平安點花番次

徐淵

穉柳蘇晴故溪歇雨

美成

清平

虛閣籠雲小簾通月

白石法曲獻仙音

蟬碧勾花鴈紅

攢月

丁夢菴前調

落葉霞飄敗窗風咽

吳夢窗全

風泊波驚露

零秋冷

秋曉白蓮前

花匣么絃象奩雙陸

樓君亮法曲獻仙音

珠蹙

花輿翠翻蓮額

紫丁香

汗粉難融袖香新竊

同上種石生

雲移花帶月

翁處靜齊樂天

斷浦沉雲空山掛雨

史邦卿綺羅香畫

裏移舟詩邊就夢

同上齊樂天

硯凍凝花香寒散霧

周草窗

繫馬橋空移舟岸易

黃雙溪全

疏綺籠寒淺雲棲月

丁宏

寒竹深水遠臺高石出

施梅川

香茸沾袖粉甲畱痕

去姬

復來就船換酒隨地攀花

梅川

調雨爲酥催冰做水

王清

做冷欺花將烟困柳

邦卿春雨

巧剪蘭心偷粘草甲

前人春雪

羅袖分香翠綃封淚

陳同甫

池面冰膠墻腰雪老

白石枕

簟邀涼琴書換日

全

薄袖禁寒輕妝媚晚

花翁倒葦沙

間枯蘭洲冷

方竹屋

綠芰擊霜黃花招雨

全

紫曲迷香

綠窗夢月

李篔房

暗雨敲花柔風過柳

全

霜杵敲寒風

燈搖夢

吳夢窗

盤絲擊腕巧篆垂簷

重

翠葉垂香玉容

消酒

姜白石

金谷移春玉壺貯煖

張寄閒

擁石池臺約

花欄檻

全

問月賒晴憑春買夜

丁湖

醉墨題香閒簫

弄玉

周草窗

樂笑翁奇對

隨花整石就泉通沼

掃花遊

斷碧分山空簾剩月

瑱窗寒

沙淨草枯水平天遠

解連環

接葉巢鶯平波捲絮

高陽臺

晴光轉樹晚氣分嵐

聲聲慢

鶴響天高水流花淨

壺中天

料理琴書夷猶今古

真珠簾

欵竹門深移花檻小

一夢紅

掃花尋逕撥葉通池

全

亂雨敲春深烟帶晚

寒瑣窗

開

簾過雨隔水呼燈

憶舊遊

浪捲天浮山邀雲去

壺中天

岸

角衝波籬根愛葉

湘月

波蕩蘭觴隣分杏酪

慶官春

雲映

山輝柳分溪影

法曲獻仙音

荷衣消翠蕙帶餘香

聲聲慢

淺

草猶霜融泥未燕

慶清朝

香尋古字譜摛歌聲

甘州行歌

趑月喚酒延秋

花解語

穿花覓路傍柳尋隣

聲聲慢

門當

竹逕路管臺城

曩絲溼霧扇錦翻桃

因花整帽

借柳維船

並同前

警句

悶來彈鵲又攪碎一簾花影徐幹臣鴈足不來馬啼

難駐門掩一庭芳景全盡吸西江細斟北斗萬象爲

賓客扣舷獨笑不知今夕何夕念奴嬌寒光庭下水連

天飛起沙鷗一片丹陽湖花影吹笙滿地淡黃月石湖

醉落魄涼滿北窗休共軟紅說全燈花結片時春夢江

南天濶 惟有兩行低鴈知人倚畫樓月全人在燠

紅温翠趙醉林波底夕陽紅溼趙彥謁應把花卜歸

期纔簪又重數辛稼軒是他春帶愁來春歸何處却不

解帶將愁去 翠銷香煖雲屏更那時酒醒劉龍州燕

子不歸花有恨小院春深謝靜海棠影下子規聲裏

立盡黃昏

洪平齋

相思無處說相思笑把畫羅小扇覓

春詞

徐山民南柯子

妾心移得在君心方知人恨深

前調驚起

半屏幽夢淡月啼鴉

劉小山清平樂

千樹壓西湖寒碧

白石賦梅

波心蕩冷月無聲

全前人楊州慢

昭君不慣胡沙遠但暗憶

江南江北

全疏影賦梅

墻頭喚酒誰問信城南詩客岑寂

高樹晚蟬說西風消息

全惜紅衣

問甚時同賦三十六陂

秋色

全

冷香飛上詩句

全念奴嬌

一般離思兩消魂馬上

黃昏樓上黃昏

劉小山一剪梅

絮飛春盡天遠思沉日長人

瘦

花翁燭影搖紅牡丹

臨斷岸新綠生時是落紅帶愁流處記

當日門掩梨花剪燈深夜語

史邦卿綺羅香春雨

愁損玉人日

日晝欄獨凭

全雙燕燕

恐鳳鞋挑菜歸來萬一灞橋相見

全東風第一枝春雪

自憐詩酒瘦難應接許多春色

全喜遷鶯元夕愁

萬斛爲春瘦了怕春知

高竹屋金人捧露盤梅

驚愁攪夢更不

管庾郎心碎

全視英臺近

悠悠歲月天涯一分秋一分憔悴

張東澤桂香枝

落葉西風吹老幾番醒醉

全露侵雨宿疏

簾淡月照人無寐

全

算只藕花知我意猶把紅芳畱

客全念奴嬌春在賣花聲裏

王貴英夜行船

試花霏雨溼春晴

全韓

閑浪淘沙

貪與蕭郎眉語不知舞錯伊州

劉後村清平樂賦妓

何處

消魂初三夜月第四橋春

羅谷柳梢青

一硯梨花雨

周蕭齋點

終薄倖東風薄情游子薄命佳人

全柳梢青賦柳花

怪別來

胭脂慵傅被東風偷在杏梢

趙霞山戀繡衾

對菱花與說相

思看誰瘦損

陸云西睡鶴仙

清絕影也別知心惟有月

蕭結山霧

天曠

角梅花開猶是十年前人不似十年前後

丁寧記

取兒家碧雲隱約紅霞直下小橋流水門前一樹桃

花

李肩吾清平樂

又是羊車過也月明花落黃昏

黃玉林清平樂宮詞

連呼酒上琴臺去秋與雲平

夢窗甘州靈岩

簾半捲帶黃花

人在小樓

全

南樓不恨吹橫笛恨曉風千里關山

全高

陽臺落梅

玉奴最晚嫁東風來結梨花幽夢

全西江月咏梅

綠陰

青子老溪橋羞見東隣嬌小

全並

月落盃空無影

全齊天樂

不約舟移楊柳繫有緣人映桃花見

全倦尋芳遇舊妓

漸老



芙蓉猶是帶霜看全不成又是教人恨待倩楊花去

問

日湖杏  
花天

珠簾捲上還重下怕東風吹散歌聲

趙鈞  
月風

入

燕子不來東風無語又黃昏琴心不度春雲遠斷

腸難托啼鶉夜深猶倚垂楊二十四欄

陳西麓  
絳都春

寄相

思偏仗柳枝待折向尊前唱奈東風吹作絮飛

全甚

等閒半委東風半委小橋流水

張寄閒  
睡鶴仙

待晴猶未

全

粉蝶兒守住落花不去溼重尋香兩翅怎知人一點

新愁寸心萬里

全

雲引吟情閒遠

全  
壺中天

斷雲過雨花

前歌扇梅邊酒盞

莫子山  
水龍吟

但良宵空有亭亭霜月作

相思伴

全

燕子銜來相思自道玉瘦不禁春病

楊西  
村二

神郎宿粉殘香隨夢冷落花流水知天遠倦尋都將千

里芳心十年幽夢分付一聲啼鴉祝英臺近不妨綵筆銀

箋翠樽冰醞自管領一庭秋色中春在欄干咫尺李

房壺明年今夜玉尊知醉何處全閒簾深掩梨花雨

誰問東陽瘦全探芳信幾番鸚鵡外斜陽闌干倚遍恨

楊柳遮愁不斷歸醉夜堂歌舞月拚廢春眠李秋

淘參差護晴窗戶竹心期暗數總寂寞當年酒籌花

譜付與春愁小樓今夜雨暗粉疏紅爲誰勻注都

負了燕約鶯期更問却柳烟花雨張梅崖夢魂欲度

蒼茫去怕夢輕還被愁遮草窗高休綴潘郎鬢影怕

綠窗年少人驚花全柳花深深處柳陰陰處一片笙歌

全少年遊一掬春情斜月杏花屋王碧山醉魄落採碎花心唵碎

淡黃雪全翠簾一池秋水半牀露半牀月全霜天曉角恰

是斷魂江上柳越春深越瘦全謂金門一室秋燈一庭秋

雨更一聲秋鴈全醉蓬萊歸故山昨宵風雨涼到木犀屏趙元

甫相思引重見冷楓紅舞白石黃簾綠幕蕭蕭夢燈前幾換

秋風吳夢窗贈宏菴鴈風吹裂雲痕小樓一縷斜陽影丁基仲水

龍吟清陰一架顆顆蒲萄醉花碧全六公令畫船盡入西湖

閒却半湖春日湖西

樂笑翁警句

和雲流出空山甚年年淨洗花香不了南浦春水寫不成

書只記得相思一點

解連環孤鴈

纔放些情意早瘦了梅

花一半也知不作花看東風何處吹散

探春雪霏

見說新

愁如今也到鷗邊

西

醒醉一乾坤

真珠簾

莫閉簾怕見

飛花怕聽啼鶻

並

須待月許多清都付與秋

聲慢

幾

日不來一片蒼雲未埽

掃花遊

春風不柰垂楊柳吹却

絮雲多少

齊天樂

帶天香吹動一身秋

甘州贈桂卿

茂樹石

牀因坐久又却被清風畱住

慶宮春

忍不住低低問春

全不知能聚愁多少

霜葉飛老妓

詞眼

燕嬌鶯姁潘元質綠肥紅瘦易安寵柳嬌花全籠燈燃月

清真醉雲醒月夢窗挑雲研雪碧山柳昏花暝梅溪翠陰香遠

千里玉嬌香怨竹屋蝶悽蜂慘守齋柳腴花瘦西林綰燕吟鶯

全燕昏鶯曉秋崖漁烟鷗雨 翠顰紅妬竹可愁烟恨粉

月約星期樓君亮雨今雲古玉笛恨烟顰雨東澤燕窺鶯

認 愁羅恨綺虛靜移紅換紫閑翁聯詩換酒 選歌試

舞 舞勾歌引 三生春夢

單字集虛

任看正待乍怕總問愛奈似但料想更算況悵快早  
儘嗟憑嘆方將未已應若莫念甚

...

...

...

...

...

...

...

...

...

詞旨